

四庫全書

經部

欽定四庫全書

經部

周禮注疏卷二

詳校官監察御史_臣祝德麟

刑部郎中_臣許兆椿覆勘

覆校官庶吉士_臣侍朝

校對官中書_臣汪日章

謄錄監生_臣王世瑞

欽定四庫全書

周禮注疏卷二

漢鄭氏注

唐陸德明音義

賈公彥疏

大宰之職掌建邦之六典以佐王治邦國一曰治典以經邦國以治官府以紀萬民二曰教典以安邦國以教官府以擾萬民三曰禮典以和邦國以統百官以諧萬民四曰政典以平邦國以正百官以均萬民五曰刑典以詰邦國以刑百官以糾萬民六曰事典以富邦國以

任百官以生萬民注大曰邦小曰國邦之所居亦曰國
典常也經也法也王謂之禮經常所秉以治天下也邦
國官府謂之禮法常所守以為法式也常者其上下通
名擾猶馴也統猶合也詰猶禁也書曰度作詳刑以詰
四方任猶俸也生猶養也鄭司農云治典冢宰之職故
立其官曰使帥其屬而掌邦治以佐王均邦國教典司
徒之職故立其官曰使帥其屬而掌邦教以佐王安擾
邦國禮典宗伯之職故立其官曰使帥其屬而掌邦禮

以佐王和邦國政典司馬之職故立其官曰使帥其屬而掌邦政以佐王平邦國刑典司寇之職故立其官曰使帥其屬而掌邦禁以佐王刑邦國此三時皆有官唯冬無官又無司空以三隅反之則事典司空之職也司空之篇亡小宰職曰六曰冬官其屬六十掌邦事音義邦國干云國天子諸侯所理也邦疆國之境治直吏反注下治典邦治治官治職之治皆同擾而小反鄭而昭反徐李尋倫反諸戶皆反詰起一反禁也干云彈正糾察也馴似倫反庾待洛反俁側吏反下同猶立也疏釋曰自此已下至職末分為二段從此職首至以富得民一段十條明經國之大綱治政之條目自正月之吉

以下至職末明頒宣前法依事而施言掌建邦之六典者謂大宰總御羣職故六典俱建也以佐王治邦國者以六典是王執治邦國王不獨治故云佐王也一曰治典以經邦國至六曰事典皆云邦國者邦國皆謂諸侯之國但治典云經者所以經紀為名故云經教典云安者地道主安故云安禮典云和者禮之用和為貴故云和政典云平者司馬主六軍以平定天下故云平刑典云詰者以其刑者所以詰禁天下故云詰事典云富者作事所以富國家故云富也又治典教典云官府禮典已下四典皆云百官者尊天地二官不局其數故不云百官而云官府也若然六官其屬各六十得稱百官者舉全數故云百官也且天官言治官府地官云教官府夏官云以正百官秋官云刑百官皆依本職而言之至於春官主禮不可云禮百官禮所以統叙萬事故云統百官也冬官不可云事百官故變事云任任謂任使任使即事也又天官主治治所以紀綱天下故云紀萬民

也地道主民故云擾萬民擾則馴順之義也春官主禮
禮所以諧和故云諧萬民夏官主政九畿職方制其貢
有貢賦之事故云均萬民秋官主刑刑者所以糾正天
下故云糾萬民也冬官主事作事者所以生養萬民故
云生萬民也然天子曰兆民諸侯曰萬民此天子之禮
不言兆民而言萬民者但兆民據天子而言之今言萬
民以畿外封諸侯惟有畿內不封故以畿內據近而言
注釋曰周禮凡言邦國者皆是諸侯之國此言大曰邦
小曰國者止據此文邦在上國在下故為此解案儀禮
覲禮云同姓大國異姓小邦則邦國大小通也又云邦
營國方九里與典命國家皆是邦之所居亦曰國也又
云典常也經也法也者爾雅釋詁云典常也孫氏云禮
之常也釋言云典經也又云法者以其經常者即是法
式又云王謂之已下鄭所解也云王謂之禮經常所秉
以治天下也者凡言經者以經紀天下故王言禮經常

所秉以治天下也云邦國官府謂之禮法常所守以為法式也
下法於上故邦國官府謂之禮法常所守以為法式也
云常者上下通名者經據在上法據在下至於王與邦
國官府俱有常義故云常者上下通名也又云擾猶馴
也者案地官注訓擾為安此言馴不同者馴是順之義
順即安義亦通也云統猶合也者統者相統同故為合
詰猶禁也者窮詰即禁止之義也引尚書曰度作詳刑
以詰四方此尚書呂刑文是呂侯訓夏贖刑以詳審詰
禁四方引證詰為禁之義也云任猶俾也者俾猶立也
東齊人物立地中為俾蒯通說范陽令曰天下之人所
以不敢俾刃於公之腹者畏秦法也欲使百官皆立其
功也云生猶養也者若直云生萬民則諸官皆生萬民
彼何異也於義不安故轉為養冬官主土地所以養民
故也云鄭司農云治典冢宰之職者及下教典司徒之
職禮典宗伯之職六典皆言之職此竝是序官之下次
有此文故立其官曰使帥其屬而掌邦治此以下六者

皆是六官之首有此文司農總引以釋六典也云此三時皆有官唯冬無官者謂各六十官唯冬無云無司空者對餘官有大宰司徒宗伯司馬司寇此則無司空卿也云以三隅反之者凡物不圓則方方則四隅既有三隅明有四隅以言既有春夏秋三時之官明有冬時之官可知則事典司空之職是也云司空之篇亡者謂六國時亡其時以考工記代之引小以八灋治官府一曰宰職者欲見當有冬官之屬也

官屬以舉邦治二曰官職以辨邦治三曰官聯以會官治四曰官常以聽官治五曰官成以經邦治六曰官灋以正邦治七曰官刑以糾邦治八曰官計以弊邦治注百官所居曰府弊斷也鄭司農云官屬謂六官其屬各

六十若今博士大史大宰大祝大樂屬大常也小宰職
曰以官府之六屬舉邦治一曰天官其屬六十是也官
職謂六官之職小宰職曰以官府之六職辨邦治一曰
治職二曰敎職三曰禮職四曰政職五曰刑職六曰事
職官聯謂國有大事一官不能獨共則六官共舉之聯
讀為連古書連作聯聯謂連事通職相佐助也小宰職
曰以官府之六聯合邦治一曰祭祀之聯事二曰賓客
之聯事三曰喪荒之聯事四曰軍旅之聯事五曰田役

之聯事六曰斂弛之聯事官常謂各自領其官之常職
非連事通職所共也官成謂官府之成事品式也小宰
職曰以官府之八成經邦治一曰聽政役以比居二曰
聽師田以簡稽三曰聽閭里以版圖四曰聽稱責以傅
別五曰聽祿位以禮命六曰聽取予以書契七曰聽賣
買以質劑八曰聽出入以要會官灋謂職所主之法度
官職主祭祀朝覲會同賓客者則皆自有其灋度小宰
職曰以灋掌祭祀朝覲會同賓客之戒具官刑謂司刑

所掌墨臯劓臯宮臯刖臯殺臯也官計謂三年則大計羣吏之治而誅賞之玄謂官刑司寇之職五刑其四曰

官刑上能糾職官計謂小宰之六計所以斷羣吏之治

音義

瀟古法字聯音連弊必世反斷也鄭蒲計反徐劉府世反斷丁亂反下同弛尸氏反比毗志反鄭房

利反稽古奚反鄭又音啟版音板傳音附別彼列反契苦計反劑子隨反爾雅云劑翦齊也要於妙反徐於召反後不音者放此朝直遙反凡言朝覲皆疏釋曰此八同臯古罪字劓魚冀反刖音月又五刮反瀟雖不云建亦有建義故鄭注大史職云六典八瀟八則冢宰所建以治百官大史又建焉是也上六典云治邦國此八瀟云治官府官府在朝廷之官府也一曰官屬以舉邦治以下皆單言邦據王國而言之言官屬者謂六官各

有六十官之屬也長官有屬官官事得舉故云以舉邦治二曰官職以辨邦治者謂六官各有職若天官治職之等官各有職辨別也官事有分別故云以辨邦治也三曰官聯以會官治者聯即連也一官不能獨共則衆官共舉之然後事得合會故云以會官治四曰官常以聽官治者官常非連事通職各自於當官常職而聽治之故云以聽官治也五曰官成以經邦治者官成者謂官自有成事品式依舊行之以經紀邦治也六曰官法以正邦治者官法謂當職所主舊灋度將此灋度是正邦之治政也七曰官刑以糾邦治者言官刑非尋常五刑謂官中之刑以糾察邦治八曰官計以弊邦治者官計謂平治官府之計也弊斷也謂就計會之中有失者斷之故云弊邦治也此八法皆云邦治官常官聯二者不云邦而云官者其官聯言官欲取會合衆官乃始得治官常言官欲取官有常職各自治其官故二者不言邦而云官也及小宰還從邦治注釋曰言百官所居曰

府者欲以官府為一事解與上府史之府別彼府主藏文書此府是百官所居處皆是府聚之義也鄭司農云官屬謂六官其屬各六十下引小宰所云者是也云若今博士云云屬大常也者司農據漢百官年表漢始叔孫通為奉常後改為大常博士官刑先鄭謂司刑所掌墨臯劓臯官臯刑臯殺臯此是正五刑施于天下非為官中之刑故後鄭不從之也官計謂三年大計羣吏之治而誅賞者此為三年一考乃一計之此官計每歲計之故後鄭亦不從之玄謂官刑司寇之職五刑其四曰官刑上能糾職是專施于官府之中於義為當也官計謂小宰之六計所以斷羣吏之治羣吏之治以八則治即是官中之計於義亦當矣故引破司農也以八則治都鄙一曰祭祀以馭其神二曰灋則以馭其官三曰廢置以馭其吏四曰祿位以馭其士五曰賦貢以馭其用

六曰禮俗以馭其民七曰刑賞以馭其威八曰田役以馭其衆注都之所居曰鄙則亦灋也典灋則所用異異其名也都鄙公卿大夫之采邑王子弟所食邑周召毛聃畢原之屬在畿內者祭祀其先君社稷五祀灋則其官之制度廢猶退也退其不能者舉賢而置之祿若今月奉也位爵次也賦口率出泉也貢功也九職之功所稅也禮俗昏姻喪紀舊所行也鄭司農云士謂學士音義馭魚慮反賦貢干云賦上之所求於下貢下之所納於上采音菜召上照反聃乃甘反奉符用反本或作

俸率徐劉音類戚音律一疏釋曰則亦灋也以八則治音所律反下同稅舒銳反三等采地之都鄙也一曰祭祀以馭其神者采地之中祭祀宗廟社稷五祀下注云凡云馭者所以馭之內之於善則於祭祀之中宗廟先祖則無可去取是社稷配食者若取句龍后稷上功有功德是內之善也二曰灋則以馭其官者灋則謂官之制度制度與在官為灋則使不僭差亦所以馭之使入善也三曰廢置以馭其吏者謂有罪則廢退之有賢則舉置而贊之亦所以馭人於善也四曰祿位以馭其士者士謂學士學士有賢行學業則詔之以爵位祿賞亦是馭之於善也五曰賦貢以馭其用者采地之民口率出泉為賦又井田之灋一夫之田稅入於官官得之節財用亦是使人入善故云以馭其用也六曰禮俗以馭其民者俗謂昏姻之禮舊所常行者為俗還使民依行使之入善故云以馭其民七曰刑賞以馭其威者謂有罪刑之有功賞之使人入善畏威故云以馭其威八曰

田役以馭其衆者謂采地之中得田獵使役於民皆當
不奪農時使人入善故云以馭其衆也據此文則卿大
夫得田獵而春秋左氏傳鄭大夫豐卷請田子產不許
者彼常田之外臨祭取鮮唯人君耳大夫唯得常田故
禮云大夫不掩羣亦是常田豐卷欲僭取鮮故子產云
唯君用鮮明大夫不合也注釋曰上言邦國則諸經有
邦國別言之者故解為大曰邦小曰國此采地云都鄙
諸文無或言都鄙或言鄙別號故鄭云都之所居曰鄙大
司徒云凡造都鄙鄭云其界曰都鄙所居也春秋傳曰
遷鄭焉而鄙留是鄙所居不遷也云則亦法也典法則
所用異異其名也者謂典法則三者相訓其義既同但
邦國言典官府言法都鄙言則是所用處異故別言之
其實義通也云都鄙公卿大夫之采邑者載師職云家
邑任稍地則大夫之采也小都任縣地則六卿之采也
大都任疆地則三公之采也云王子弟所食邑者親王
子母弟與公同處而百里次疏者與六卿同處而五十

里次疏者與大夫同處二十五里案禮記禮運云天子有田以處其子孫鄭注中庸云同姓雖恩不同義必同也尊重其祿位所以貴之不必授以官守然則王子母弟雖食采地未必別有官有官則依公卿大夫食邑不假別言也云周召毛聃畢原之屬者僖二十四年左傳召穆公云管蔡郕霍魯衛毛聃郕雍曹滕畢原豐郕文之昭也邶晉應韓武之穆也今鄭直云周召毛聃畢原之屬在畿內者其餘或在畿外故不盡言也引之者證王子弟有采邑也云祭祀其先君社稷五祀者案孝經大夫章不云社稷則諸侯卿大夫也若王子母弟及三公稱諸侯者五廟五祀三社三稷故云祀先君社稷五祀也云法則其官之制度者謂宮室車旗衣服之等皆不得僭也云祿若今月奉也者古者祿皆月別給之漢之月奉亦月給之故云若今月奉也云位爵次也者言朝位者皆依爵之尊卑為次則經云位據立故云爵次也云賦口率出泉也者下文九職九賦職賦相繼而言

故知賦即九賦口率出泉也云貢功也九職之功者亦約下文言九賦上言九職九職任之九賦斂之是以大府云九賦九功九功即九職之功故鄭於此以貢為功是九職之功出稅也云禮俗昏姻喪紀者曲禮云君子行禮不求變俗若不醴醢用酒是其一隅也云鄭司農云士謂學士者經云祿位以馭其士使進受祿位故知士學也以八柄詔王馭羣臣一曰爵以馭其貴二曰祿以馭其富三曰予以馭其幸四曰置以馭其行五曰生以馭其福六曰奪以馭其貧七曰廢以馭其罪八曰誅以馭其過注柄所秉執以起事者也詔告也助也爵謂公侯伯子男卿大夫士也詩云誨爾序爵言教王以賢否

之第次也班祿所以富臣下書曰凡厥正人既富方穀
幸謂言行偶合於善則有以賜予之以勸後也生猶養
也賢臣之老者王有以養之成王封伯禽於魯曰生以
養周公死以為周公後是也五福一曰壽奪謂臣有大
罪沒入家財者六極四曰貧廢猶放也舜殛鯀于羽山
是也誅責讓也曲禮曰齒路馬有誅凡言馭者所以毆
之內之於善音義柄兵命反行下孟反注同殛紀力反鯀古本反毆起俱反疏釋曰
以此八柄詔告于王馭羣臣餘條皆不言詔獨此與下
八統言詔王者餘竝羣臣職務常所依行歲終致事乃

考知得失此乃王所操持王不獨執羣臣佐之而已故特言詔也言馭者此八者皆是毆羣臣入善之事故皆言馭也一曰爵以馭其貴者司士云以德詔爵有賢乃受爵是馭之以貴也二曰祿以馭其富者司士云以功詔祿祿所以富臣下故云以馭其富三曰予以馭其幸謂言語偶合於善有以賜予之故云以馭其幸四曰置以馭其行者有賢行則置之于位故云以馭其行五曰生以馭其福者生猶養也臣有大勲勞者使子孫享養之是福祐之道也故云以馭其福六曰奪以馭其貧者謂臣有大臯身殺奪其家資故云以馭其貧七曰廢以馭其臯者廢放也謂臣有大罪君不忍刑殺放以遠之故云以馭其臯八曰誅以馭其過者臣有過失非故為之者誅責也則以言語責讓之故云以馭其過也此經八事自五曰已上皆是善事則大善者在前小善者在後自六曰已下皆是惡事則大惡者在前小惡者在後案內史亦言此八柄之事唯一曰爵二曰祿與此同三

曰廢四曰置五曰殺六曰生七曰予八曰奪文亂與此不同者彼欲視事起無常故所言不次也又彼變誅言殺欲見為惡不止則殺之或可見此過失則園土之刑人也出園土則殺之故內史變誅言殺也且此中爵與祿廢與置皆別文以王德為大能明辨之四者設文有別八則中爵祿及廢置皆共文者以其德小不能辨故也注釋曰柄者謂八者若斧斤之柄人所秉執以起事故以柄言之也云爵謂公侯已下者欲見周法爵及命士不言孤者卿中含之故考工記云中有九室九卿朝焉九卿謂三孤六卿是卿中含孤也引詩誨爾序爵者大雅桑柔詩序是先後次第之言誨教也故鄭云言教王以賢否之第次也又引書者是尚書洪範之文云凡厥正人既富方穀者厥其也方道也穀善也凡其正直之人既以爵祿富之又以善道接之引之者證以馭其富也云成王封伯禽於魯曰生以養周公死以為周公後是也者此竝文公十三年公羊傳文彼云周公拜乎

前魯公拜乎後曰生以養周公死以為周公主此云為
周公後不同者鄭以義言之又云五福一曰壽者此亦
洪範文引之者證賢臣老養之是五福一曰壽故曰以
馭其福也云六極四曰貧亦洪範文引之者證大罪奪
之家資以馭其貧也云廢猶放也舜殛鯀于羽山者鯀
治水九載績用不成殛誅也羽山東裔也云曲禮曰齒
路馬有誅者齒謂年之路馬君之所乘馬輒年之以
則有誅責引之者證誅為言語責之非有刑罪也以八
統詔王馭萬民一曰親親二曰敬故三曰進賢四曰使
能五曰保庸六曰尊貴七曰達吏八曰禮賓注統所以
合率以等物也親親若堯親九族也敬故不慢舊也晏
平仲久而敬之賢有善行也能多才藝者保庸安有功

者尊貴尊天下之貴者孟子曰天下之達尊者三曰爵也德也齒也祭義曰先王之所以治天下者五貴有德貴貴貴老敬長慈幼達吏察舉勤勞之小吏也禮賓賓

客諸侯所以示民親仁善鄰疏

釋曰鄭云統所以合率以等物也此八者民與

在上同有物事也謂率下民使與上合皆有以等其事上行之下效之也故以萬民為主也一曰親親者君與民俱親九族之親二曰敬故者君與民皆須恭敬故舊朋友三曰進賢者有賢在下君當招之民當舉之是君民皆進賢也四曰使能者下有技能君民共舉任之五曰保庸者保安也庸功也有功者上下俱賞之以祿使心安也六曰尊貴者臣有貴者君民共尊敬之七曰達吏者吏勤勞在民間在下位不能自達者進之於上而

用之也八曰禮賓者天子待朝聘之賓在下皆當禮於賓客此八者先親親後賓客亦是先後之次也注釋白云親親謂若堯親九族也者堯典云克明峻德以親九族則堯能用峻德之賢以自輔乃能親九族上至高祖下及玄孫之親旁及五服民亦效之而親九族也云敬故不慢舊也引晏平仲久而敬之者謂他人久敬平仲由平仲敬於他人善在平仲故親親引堯敬故引平仲欲見上下通有是以伐木詩是文王敬故也云賢有善行也能多才藝者案鄉大夫云興賢者出使長之興能者入使治之是賢有六德六行者能者直六藝而已云尊貴尊天下之貴者謂天下有貴皆尊之云孟子曰天下之達尊者三謂三者天下通達行之三者即爵德齒也爵即經云賢者為大夫能者為士皆是用德為爵證經任賢能也云齒也者謂若黨正飲酒之禮六十已上在堂上以齒此連引之於經無所當也云祭義曰先王之所以治天下者五貴有德者即舉賢者也貴貴即

尊貴也貴老敬長慈幼者三者於經無所當亦連引之耳云達吏察舉勤勞之小吏也者小吏在民間謂若比長間胥之等雖小吏堪任大官故察舉用之云禮賓賓客諸侯者謂若大行人上公侯伯子男之禮皆為等級以禮之是賓客諸侯也云所以示民親仁善鄰者親仁善鄰左氏隱公六年陳五父之辭親仁善鄰則當禮賓故引以證

以九職任萬民一曰三農生九穀二曰園圃

禮賓也

毓草木三曰虞衡作山澤之材四曰藪牧養蕃鳥獸五曰百工飭化八材六曰商賈阜通貨賄七曰嬪婦化治絲枲八曰臣妾聚斂疏材九曰閒民無常職轉移執事注任猶傳也鄭司農云三農平地山澤也九穀黍稷秫

稻麻大小豆大小麥八材珠曰切象曰瑳玉曰琢石曰磨木曰刻金曰鏤草曰剝羽曰析閒民謂無事業者轉移為人執事若今傭賃也玄謂三農原隰及平地九穀無秣大麥而有梁苽樹果菰曰圃園其樊也虞衡掌山澤之官主山澤之民者澤無水曰藪牧牧田在遠郊皆畜牧之地行曰商處曰賈阜盛也金玉曰貨布帛曰賄嬪婦人之美稱也堯典曰釐降二女嬪于虞臣妾男女貧賤之稱晉惠公卜懷公之生曰將生一男一女男為

人臣女為人妾生而名其男曰圉女曰妾及懷公質於

秦妾為宦女焉疏材百草根實可食者疏不熟曰饅音

義

國布古反又音布毓古育字數速苟反牧牧養之牧徐音目劉音茂蕃扶元反飭音敕賈音古下注同間

音閑秋音迷璫七何反琢陟角反鏤婁豆反為人于偽反傭音容賃女鵠反苾音孤彫胡也字或作菰菰力果

反樊如字又方元反畜許又反又許六反稱尺證反下同釐力之反圍魚呂反養馬曰圉質猪二反疏色居反

菜也劉音蘇疏釋曰此九者皆是民之職業故云萬民饅其靳反 疏 釋曰此九者皆是民之職業故云萬民

於原隰及平地三處營種故云三農生九穀也二曰園圃毓草木者此圃即載師所云場圃任圉地謂在田畔

樹菜蔬果蓀者故云毓草木也三曰虞衡作山澤之材者謂在山澤之民所作事業材木而已四曰藪牧養蕃

鳥獸者謂在數牧之民事業使之長養蕃滋飛鳥走獸而已五曰百工飭化八材者謂百種巧作之工所為事業變化八材為器物飭之而已飭勤也勤力以化八材六曰商賈阜通貨賄者謂商賈之家所為事業通貨賄使之阜盛七曰嬪婦化治絲枲者嬪婦謂國中婦人有德行者治理變化絲枲以為布帛之等也八曰臣妾聚斂疏材者謂男女貧賤號為臣妾者所為事業聚斂百草根實而已九曰閒民無常職轉移執事者其人為性不營己業為閒民而好與人傭賃非止一家轉移為人執事以此為業者耳注釋曰云任猶俸也者俸謂立也使民之業得立云鄭司農云三農平地山澤也者以其積石曰山水鍾曰澤不生九穀故後鄭不從之也云九穀黍稷秫稻麻大小豆大小麥者此九者後鄭以為無秫大麥而有粱苽八材云珠曰切之下竝爾雅文皆是治器用之名也然今爾雅云骨曰切者蓋司農讀爾雅本作珠也云玄謂三農原隰及平地者爾雅高平曰原

下濕曰隰原及平地可種黍稷之等隰中可種稻麥及
苽也云九穀無秫大麥而有粱苽者以秫為赤粟與稷
黏疎為異故去之大麥所用處少故亦去之必知有粱
苽者下食醫云凡膳食之宜有犬宜粱魚宜苽故知有粱
粱苽也且前七穀之中依月令麥屬東方黍屬南方麻
屬西方豆屬北方稷屬中央故知有黍稷麻豆麥稻與
小豆所用處多故知有稻有小豆也必知有大豆者生
民詩云藝之戎菽戎菽大豆后稷之所殖故知有大豆
也云樹果苽曰圃園其樊者案漢書食貨志云田中不
得有樹用妨五穀環廬樹桑麻菜茹瓜瓠果苽應劭曰
木曰果草曰苽張晏曰有穀曰果無穀曰苽臣瓚曰木
上曰果地上曰苽劬與瓚義同晏獨異也案載師云場
圃任園地則圃在園中故鄭云樹果苽曰圃園其樊是
以詩云折柳樊圃謂與圃為樊樊其蕃菽也云虞衡掌
山澤之官主山澤之民者案地官掌山澤者謂之虞掌
川林者謂之衡則衡不掌山澤而云虞衡作山澤者欲

互舉以見山澤兼有川林之材也鄭既云虞衡掌山澤之官復云山澤之民者欲見虞衡是官非出稅之人以山澤之民無名號故借虞衡之官以表其民所任者任山澤之萬民山虞澤虞之官非是以任出稅之物但主山澤之民也云澤無水曰藪者地官澤虞云大澤大藪數澤別言詩云叔在藪火烈具舉數若有水不得田獵故知澤無水曰藪也云牧牧田在遠郊知者見載師云牧田賞田任遠郊之地云皆畜牧之地者謂藪牧皆是畜牧之地案載師職鄭注牧田畜牧者之家所受田也非畜牧之地此解違者但牧六畜之地無文鄭約與家人所受田處即有六畜之地故云在遠郊也云行曰商處曰賈者諸官之下有賈人無行法故曰處易復象曰至日閉關商旅不行是行曰商也云金玉曰貨者案食貨志王莽居攝更作金銀龜貝錢布之器名曰寶貨是自然之物曰貨也聘禮曰賄用束紡是人所為曰賄也若然王制云錦文珠玉不弼于市此商賈得通之在市

者彼據珠玉有錦文者或彼異代禮也案左氏襄十五年宋人獻玉于子罕子罕寘諸其里使玉人為之攻之富而後使復其所服氏云富賣玉得富是其得粥玉也云嬪婦人之美稱也者此是國中婦人有德行故稱嬪引堯典釐降二女嬪于虞者欲見嬪是婦人美稱之義耳云臣妾男女貧賤之稱者或奴戮之餘屑或背德之質子晉衛之男女皆是故引晉惠以釋之也云晉惠已下皆左氏傳僖十七年夏晉犬子圉為質于秦初惠公在梁梁伯妻之梁嬴孕過期卜招父與其子卜之其子曰將生一男一女招曰然男為人臣女為人妾及生男曰圉女曰妾注養馬曰圉不聘曰妾後子圉西質妾為宦女是也此鄭與文異者鄭以義增之也云疏材百草根實者百草或取根謂若菱芡之屬或取實謂若榛栗之屬皆是根實可食也云疏不熟曰饑者爾雅云穀不熟為饑疏不熟為饑疏以九賦斂財賄一曰邦中之賦穀皆不熟則曰大荒

二曰四郊之賦三曰邦甸之賦四曰家削之賦五曰邦縣之賦六曰邦都之賦七曰關市之賦八曰山澤之賦九曰幣餘之賦注財泉穀也鄭司農云邦中之賦二十而稅一各有差也幣餘百工之餘玄謂賦口率出泉也今之算泉民或謂之賦此其舊名與鄉大夫以歲時登其夫家之衆寡辨其可任者國中自七尺以及六十野自六尺以及六十有五皆征之遂師之職亦云以徵其財征皆謂此賦也邦中在城郭者四郊去國百里邦甸

二百里家削三百里邦縣四百里邦都五百里此平民也關市山澤謂占會百物幣餘謂占賣國中之斥幣皆末作當增賦者若今賈人倍算矣自邦中以至幣餘各入其所有穀物以當賦泉之數每處為一書所待異也

音義

削本亦作稍又作郛所教反徐所召反幣鄭婢世反干必世反與音餘鄉劉音香處昌慮反後可以

意疏

釋曰云以九賦斂財賄者此賦謂口率出泉其處有九故云九也既云賦計口率出泉則財賄非泉

而云斂財賄者計口出泉無泉者取財賄以當算泉之賦故云斂財賄也一曰邦中之賦者謂國中之民出泉也二曰四郊之賦者計遠郊百里之內民所用出泉也三曰邦甸之賦者謂郊外曰甸百里之外二百里之內

民所出泉也四曰家削之賦者謂二百里之內地名削其中有大夫采地謂之家故名家削大夫采地中賦稅入大夫家但大夫家采地外其地為公邑公邑之內其民出泉入王家故舉家稍以表公邑之民也五曰邦縣之賦者四百里地名縣有小都賦入采地之主其中公邑之民出泉入王家也六曰邦都之賦者其五百里中有大都大都采地其賦入主外為公邑其中民所出泉入王家也七曰關市之賦者王畿四面皆有關門及王之市廛二處其民之賦口稅所得之泉也八曰山澤之賦者謂山澤之中財物山澤之民以時入而取之出稅以當邦賦所稅得之物貯之而官未用有人占會取之為官出息此人稅出泉謂之山澤之賦也九曰幣餘之賦者謂為國營造用物有餘竝歸之於職幣得之不入府藏則有人取之為官出泉此人亦口稅出泉謂之幣餘之賦然關市山澤幣餘不出上六處而特言者以其末作當增賦故也

周禮注疏

掌邦布之出入賜予之財用以此知財中有泉也又知財中有穀者案禮記喪大記云納財朝一溢米米即是穀故知財中有穀也云鄭司農云邦中之賦二十而稅一各有差也者先鄭約載師園廩二十而一近郊十一遠郊二十而三故云各有差後鄭不從者以關市山澤幣餘之賦皆無地稅即上云邦中四郊之等亦非地稅故不從也云幣餘百工之餘後鄭不從者若是百工之餘當歸之職幣何有稅乎云玄謂賦口率出泉也者案大府云九貢九賦九功各別又見司會云以九貢致邦國之財用以九賦令田野之財用以九功令民職之財用貢賦及功各別賦為口泉也是以鄭君引漢法民年二十五已上至六十出口賦錢人百二十以為算法民年於此注亦云今之算泉民或謂之賦此其舊名與又引鄉大夫以歲時登其夫家已下及遂師職者欲見征賦為一皆是口率出泉破司農為地稅也云邦中在城郭已下至五百里此皆約載師所云遠郊甸地削地縣地

壘地之等遠近之差云此平民也者謂六曰已上皆是
平善之民先王以農為本故謂之平民也對七曰已下
非農民者為末作也云關市山澤謂占會百物者謂關
上以貨出入有稅物市若泉府廛布總布之等亦有稅
物山澤民人入山澤取材物亦有稅物此人占會百物
為官出息幣餘謂占賣國中斥幣斥幣謂此物不入大
府指斥出而賣之故名斥幣云當增賦者謂口率出泉
增於上農民故云若今賈人倍算矣云自邦中以至幣
餘各入其所有穀物以當賦泉之數者以經云斂財賄
財賄即是穀物取之以當賦泉之數若漢法人百二十
云每處為一書所待異也者此九賦所得財物給下九
式之用九式用處不同故此九賦分為九處是以每一
處為一書以待其出式謂以九式均節財用一曰祭祀
用財之節度是所待異也

之式二曰賓客之式三曰喪荒之式四曰羞服之式五

曰工事之式六曰幣帛之式七曰芻秣之式八曰匪頒之式九曰好用之式注式謂用財之節度荒凶年也羞飲食之物也工作器物者幣帛所以贈勞賓客者芻秣養牛馬禾穀也鄭司農云匪分也頒讀為班布之班謂班賜也玄謂王所分賜羣臣也好用燕好所賜予音義羞服干云羞飲食也服車服也服或作膳芻初俱反頒鄭音班徐音墳好呼報反注同勞力報反疏釋云以九式均節財用者式謂依常多少用財法式也一曰祭祀之式者謂若大祭次祭用大牢小祭用特牲之類二曰賓客之式者謂若上公饗餼九牢五積之類三曰喪荒之式者喪謂若諸侯諸臣之喪舍禭贈奠賻賵

之類王家之喪所用大非此所共也荒謂凶年穀不熟有所施與也四曰羞服之式者謂王之膳羞衣服所用也五曰工事之式者謂百工巧作器物之法六曰幣帛之式者謂若贈勞賓客也七曰芻秣之式者謂牛馬禾穀也八曰匪頒之式者謂若分賜羣臣也九曰好用之式者燕好所施予也此九者亦依尊卑緩急為先後之次也注釋曰云荒凶年也者曲禮云歲凶年穀不登是凶年也云羞飲食之物也者謂若膳夫飲用六清食用六穀醬用百有二十饗之類云工作器物者若考工所作器物也云幣帛所以贈勞賓客者謂若司儀職上公三問三勞之等皆有束帛聘禮賄用束紡云芻秣養牛馬禾穀者謂若聘禮致饗餼芻秣之等也云玄謂王所分賜羣臣者就足司農班賜之義也云好用燕好所賜予者以其言好則知是燕飲有所愛好自因歡樂則有賜予

以九貢致邦國之用一曰祀貢二曰嬪貢三曰器

貢四曰幣貢五曰材貢六曰貨貢七曰服貢八曰旂貢
九曰物貢注嬪故書作賓鄭司農云祀貢犧牲包茅之
屬賓貢皮帛之屬器貢宗廟之器幣貢繡帛材貢木材
也貨貢珠貝自然之物也服貢祭服旂貢羽毛物貢九
州之外各以其所貴為摯肅慎氏貢楛矢之屬是也玄
謂嬪貢絲枲器貢銀鐵石磬丹漆也幣貢玉馬皮帛也
材貢櫨幹栝栢篠簜也貨貢金玉龜貝也服貢絺紵也
旂讀如圉游之游旂貢燕好珠璣琅玕也物貢雜物魚

鹽橘柚音義

嬪鄭音頻司農音賓摯音至本亦作贄楷音戶樵救倫反餘古旦反篠西了反蕩大

黨反絺救其反紵直呂反璣徐音畿劉音其既反一音機琅音郎玕音干柚羊救反一音羊受反或音喻疏釋曰云致邦國之用者謂此貢諸侯邦國歲之常貢則小行人云令春入貢是也大行人云侯服歲一見其貢祀物彼謂因朝而貢與此別也但諸侯國內得民稅大國貢半次國三之一小國四之一所貢者市取當國所出美物則禹貢所云厥篚厥貢之類是也注釋曰言故書者鄭注周禮時有數本劉向未校之前或在山巖石室有古文考校後為今文古今不同鄭據今文注故云故書作賓此九貢皆是諸侯賓之所貢不得特以一事為賓貢云賓貢者非也若言嬪貢謂絲枲堪為婦人所作是也鄭司農云祀貢犧牲包茅之屬者按禮記禮器云三牲魚腊九州之美物故知祀貢有犧牲也案僖公四年齊責楚包茅不入王祭不供無以縮酒故知祀貢

中有包茅云賓貢皮帛之屬後鄭從嬪不從賓如上釋也云器貢宗廟之器者大行人因朝而貢者得有成器此歲之常貢不得有成器故後鄭不從也云幣貢繡帛者禹貢有厥篚織貝及玄織縞之等故知幣貢中有繡帛也云材貢木材也者案禹貢中有惟木故知材貢中有木材也云貨貢珠貝自然之物也者亦據食貨志為說云服貢祭服者後鄭亦不從以大行人因朝而貢有祭服此歲之常貢不得有成服云游貢羽毛者亦不從者以其旂據人宴好不得據物上生稱故不從也云物貢九州之外各以其所貴為摯又引肅慎氏貢楛矢之屬後鄭不從者以其九州之外世一見無此歲之常貢之法也云玄謂嬪貢絲帛者絲帛青州所貢此破先鄭為賓貢云器貢銀鐵石磬丹漆也者銀鐵梁州所貢漆兗州所貢石即礪砥荊州所貢磬即泗濱浮磬徐州所貢貢云幣貢玉馬皮帛也者禹貢堯時無貢馬法觀禮諸侯享禮云匹馬卓上九馬隨之周則有之玉即球琳皮

即熊羆狐狸竝雍州所貢帛即織貝之類揚州所貢此
增成先鄭之義云材貢櫛榦栝栢篠蕩也者竝荊州所
貢此亦增成先鄭之義云貨貢金玉龜貝也者亦增成
先鄭之義龜出九江荊州所貢玉即球琳亦雍州所貢
金即金三品及貝揚州所貢云服貢絺紵也者豫州所
貢云存讀如圓游之游存貢燕好珠璣琅玕也者此破
先鄭物上生名為羽毛也珠即蠙珠徐州所貢璣即璣
組荊州所貢琅玕雍州所貢云物貢雜物魚鹽橘柚者
此亦破先鄭之義魚即鹽魚徐州所貢鹽青州所以
貢橘柚荊揚所貢已上所貢之物皆據禹貢而言以九
兩繫邦國之民一曰牧以地得民二曰長以貴得民三
曰師以賢得民四曰儒以道得民五曰宗以族得民六
曰主以利得民七曰吏以治得民八曰友以任得民九

曰數以富得民注兩猶耦也所以協耦萬民繫聯綴也
牧州長也九州各有封域以居民也長諸侯也一邦之
貴民所仰也師諸侯師氏有德行以教民者儒諸侯保
氏有六藝以教民者宗繼別為大宗牧族者鄭司農云
主謂公卿大夫世世食采不絕民稅薄利之玄謂利讀
如上思利民之利謂以政教利之吏小吏在鄉邑者友
謂同井相合耦耨作者孟子曰鄉田同井出入相友守
望相助疾病相扶持則百姓親睦數亦有虞掌其政令

為之厲禁使其地之民守其材物以時入于王府頒其

餘於萬民富謂數中材物音義

繫音計治直吏反下注王治凡治賾治皆同數

千云宜作叟行

疏

釋曰言邦國即據諸侯及萬民而言王者於邦國之中立法使諸侯與

民相合耦而聯綴不使離散有九事故云以九兩繫邦國之民也一曰牧以地得民者謂畿外八州之中州別

立一州牧使侯伯有功德者為之使統領二百一十國以有一州土地集安萬民故云牧以地得民也二曰長

以貴得民者謂一國立諸侯與民為君長是一國之貴民所仰效而民歸之故云以貴得民也三曰師以賢得

民者謂諸侯已下立教學之官為師氏以有三德三行使學子歸之故云以賢得民則學子是也四曰儒以

道得民者諸侯師氏之下又置一保氏之官不與天子保氏同名故號曰儒掌養國子以道德故云以道德得民

民亦謂學子也五曰宗以族得民者謂大宗子與族食族燕序以昭穆故云以族得民民即族人也六曰主以利得民者主謂大夫宣君政教以利得民民則采邑之民也七曰吏以治得民者吏在民間若比長閭胥有以治政之所得民八曰友以任得民者言以任則非同門之朋友謂在田里之間相佐助以相任使而得民即鄰伍聚居者九曰藪以富得民者見民之所居之處利益人此一者不據人而言藪者見民之所居之處利益人澤藪之中多有材物以富得民舉藪而言則山澤十等皆有材物民居可知也注釋曰訓兩猶耦者欲取在上與民相協耦聯綴使不離散也云牧州長也者禮記王制云二百一十國以為州州有伯伯則長故云牧州長也鄭注下曲禮云選賢侯為之云九州各有封域以居民也者詩云帝命式于九圍九圍則九州各有封域疆界也言此者證以地得民云長諸侯也者對則大夫稱長諸侯稱君今此上言牧下言長故據諸侯也云師諸

侯師氏者此一經皆據諸侯又經云以賢得民是諸侯
師氏也云有德行者師氏職云以三德三行教國子故
知有德行也云儒諸侯保氏有六藝者以經云以道得
民保氏職云掌養國子以道教之六藝故知諸侯保氏
不可同為天子之官故變保言儒儒亦有道德之稱也云
宗繼別為大宗收族者見禮記大傳云繼別為大宗對
繼禰為小宗故云大又云敬宗故收族食族燕是所
以收族也鄭司農云主謂公卿大夫世世食采不絕民
稅薄利之者先鄭意以薄稅為利後鄭不從者稅法有
常故孟子云若輕之於堯舜大貉小貉重之於堯舜大
桀小桀是不得有輕重皆以什一為正何得薄稅以利
民乎故不從也云玄謂利讀如上思利民之利謂以政
教利之者上思利民忠也此左氏傳隨季良之辭也云
吏小吏在鄉邑者謂若比長閭胥或在鄉或在公邑采
邑皆是云友謂同井相合耦耨作者鄭意非謂同師曰
友正是同在井邑之間共居若里宰職合耦于耨注云

合耦使相佐助者也云孟子曰鄉田同井出入相友守望相助疾病相扶持則百姓親睦引孟子鄉田同井者以證友是同井之友但鄉遂為溝洫不為井田而云鄉田同井者鄉遂雖不為井田亦三三相任以出稅與井田同故云同井或解同井水義亦通也云數亦有虞者地官澤虞職云每大澤大數中士二人是數有虞也云掌其政令已下皆澤虞職文云富謂數中正月之吉始材物者謂有薪蒸蒲葦藪中所有之物也

和布治于邦國都鄙乃縣治象之法于象魏使萬民觀治象挾日而斂之注正月周之正月吉謂朔日大宰以

正月朔日布王治之事於天下至正歲又書而縣于象魏振木鐸以徇之使萬民觀焉小宰亦帥其屬而往皆

所以重治法新王事也凡治有故言始和者若改造云
爾鄭司農云象魏闕也故魯災季桓子御公立于象魏

之外命藏象魏曰舊章不可忘從甲至甲謂之挾日凡

十日音義

縣音懸注同挾子協反字又作浹同干本疏

釋曰自此已下皆謂施前事條以建子周之正月言之
吉謂朔日也始調和上六典八法已下之事和訖當月
即頒布此治職文書于諸侯邦國卿大夫都鄙言乃縣
者乃緩辭至建寅之正月乃縣治象之法于雉門象魏
使萬民共觀治象挾日者從甲至甲凡十日斂藏之于
明堂於後月月受而行之謂之告朔也注釋曰知正月
是周之正月者下文乃縣是建寅明上云正月是周正
月知吉是朔日者論語鄉黨云吉月必朝服而朝是吉

謂朔日禮記玉藻云諸侯皮弁聽朔于大廟或云吉或云朔聽朔在月一日是知吉為朔日也云大宰以正月朔日布王治之事于天下者言天下即經邦國都鄙是畿外畿內徧天下即鄉大夫職云正月之吉受法于司徒退而頒之於其鄉吏是司徒布教法從六鄉已下出則此大宰布法亦從六鄉已下出也云至正歲又書而縣于象魏者此鄭釋經中乃縣必知乃縣是正歲建寅之月者下小宰所以佐大宰彼云正歲縣之與此乃縣為一事故知正歲縣也鄭知振木鐸者約小宰而知也云凡治有故言始和者若改造云爾者上六典已下至九兩國法常定今云始和似更新其事改造云爾其實不改鄭司農云象魏闕也者周公謂之象魏雉門之外兩觀闕高魏魏然孔子謂之觀春秋左氏定二年夏五月雉門災及兩觀是也云觀者以其有教象可觀望又謂之闕者闕去也仰視治象闕去疑事或解闕中通門是以莊二十一年云鄭伯享王于闕西辟注闕象魏也

案公羊傳云子家駒謂昭公云諸侯僭天子大夫僭諸侯久矣公曰吾何僭矣哉子家駒曰設兩觀乘大路何氏云天子兩觀諸侯臺門則諸侯不合有觀也若然雉門災及兩觀及禮運云遊於觀之上有觀亦是僭也云故魯災季桓子御公立于象魏之外命藏象魏曰舊章不可忘者此哀公三年左氏傳辭案彼桓僖廟災天火曰災謂桓僖廟被天火所燒舊章象魏在大廟中恐火連及故命藏之若然象魏縣教治也以其建寅之月縣之象魏十日藏之大廟中季桓子因與公立於雉門象魏之外觀舊縣之處命藏大廟中象魏引之者證象魏是教象之法又云從甲至甲謂之挾日凡十日者破諸家從甲至癸謂之挾日通也若從甲至癸仍有癸日不挾故以從甲至乃施典于邦國而建其牧立其監設其甲得通言之

參傳其伍陳其殷置其輔注乃者更申敕之以侯伯有

功德者加命作州長謂之牧所謂八命作牧者監謂公
侯伯子男各監一國書曰王啓監厥亂為民參謂卿三
人伍謂大夫五人鄭司農云殷治律輔為民之平也玄
謂殷衆也謂衆士也王制諸侯上士二十七人其中士
下士各居其上之三分輔府史庶人在官者也音義

參七

南反干云三公也傳戚音附徐方疏釋曰上已言六典
幕反監古銜反為于偽反平音評治邦國更言施典
于邦國故鄭云乃者更申敕之所施之典則建其牧已
下是也建立也每一州之中立一牧立其監者每一國
之中立一諸侯使各監一國設其參者謂諸侯之國各
立三卿傳其伍者謂三卿下各立五大夫陳其殷者三

卿下各陳士九人三九二十七置其輔者謂三卿下各設府史胥徒注釋曰鄭云以侯伯有功德者加命作州長者謂之牧者案下曲禮云州牧於外曰侯即是先取侯有功德者為牧若無賢侯伯亦得故連言侯伯有功德者云加命作州長者以其侯伯七命州牧八命故云加命作州長云所謂八命作牧者案大宗伯職云七命賜國八命作牧是也若殷之牧下天子使大夫三人為三監至周使伯佐牧不使大夫故詩旄丘序云旄丘責衛伯也鄭云衛康叔爵稱侯今曰伯者時為州伯也周之法使伯佐牧即僖公四年五侯九伯五侯是州牧九伯是牧下之伯云監謂公侯伯子男各監一國引書曰王啓監厥亂為民者此是尚書梓材之篇周公封康叔而敕之證監是諸侯之義也云參謂卿三人者案左氏傳杜泄云吾子為司徒夫子為司馬孟氏為司空則諸侯三卿司徒司馬司空也云伍謂大夫五人者謂司徒下二大夫一大夫為司徒大夫一大夫為大宰大夫司空

下二大夫一大夫主司空事一大夫為司寇大夫司馬
事省闕一大夫故五人鄭司農云殷治律輔為民之平
也者謂置官主法律輔為人之平者謂置輔是平斷此
先鄭蓋是後代之法故後鄭易之云玄謂殷衆也謂衆
士者士稱殷與旅同竝是衆義故鄭玄謂衆士也又引
王制諸侯上士已下者按彼注大國之士為上次國之
士為中小國之士為下言數各居其上之三分者此謂
盟會立位之序大國之士為上北面前行上九中九下
九次國之士下士當其空小國之上士當大國之下士
中士當次國之下士下士當其空故云數各居其上之
三分引之為破司農殷為治律云輔府史庶人在官者
破司農輔為民之平若然建立陳置其義可知其伍言
傳者謂大夫上有卿下有士受上政
傳於下受下政傳於上故獨云傳

乃施則于都鄙而

建其長立其兩設其伍陳其殷置其輔注長謂公卿大

夫王子弟食采邑者兩謂兩卿不言三卿者不足于諸

侯鄭司農云兩謂兩丞疏

釋曰上已言八則治都鄙更令施則於都鄙故言乃亦是

更申敕之義建其長謂公卿王子弟為采邑之主以是一邑之長故言建其長立其兩者謂每采地之中立其兩卿設其伍陳其殷置其輔義與上邦國同注釋曰云長謂公卿大夫者案典命云三公八命其卿六命其大夫四命案大宗伯云六命賜官彼注王六命之卿賜官者使得自置其臣治家邑如諸侯則此云長唯據公卿已上大夫四命不合立官此鄭云長謂公卿大夫并言大夫者以其大夫雖立官不與公卿同亦得稱長是廣解長義其實大夫不合有兩卿五大夫當與諸侯之卿同官事當相兼也云王子弟食采邑者謂親王子弟食邑與三公同在五百里疊地各百里其次疏者在四百里縣地各五十里與六卿同已上二者得立兩卿五大

夫之等其次更疏者在三百里稍地各食二十五里與大夫同不得立兩卿五大夫亦職相兼也云兩謂兩卿不言三卿者不足於諸侯者以畿外諸侯南面為尊故得申而立三卿天子三公六卿雖尊以其在天子之下故屈而立兩卿不足於諸侯鄭司農云兩謂兩丞也其兩卿丞副其長先鄭以後代之官況之故云兩丞也此中唯有都鄙無家邑之名故都鄙中舍有公卿大夫春官都宗人家宗人都家並有故都鄙中舍有公卿大夫入家宗人中以公卿雖有大都小都之別而同名都故大夫不得都名直有宗稱故在家宗人也至於夏官都司馬家司馬又與家宗人都宗人異故鄭注都司馬唯云三公與王子弟其卿又入家司馬中以其司馬辨尊卑六卿卑又自使其臣為司馬若叔孫氏之臣名驥戾王家不為之立司馬故卿入家司馬中若然都鄙之內其號有三若得諸侯之號唯三公王子弟故司裘諸侯熊侯豹侯卿大夫麋侯是卿不入諸侯也若立臣

如諸侯即此文卿與公同若稱長可及大夫亦此注舍大夫是也

乃施灋于官府而建

其正立其貳設其攷陳其殷置其輔注正謂冢宰司徒

宗伯司馬司寇司空也貳謂小宰小司徒小宗伯小司

馬小司寇小司空也考成也佐成事者謂宰夫鄉師肆

師軍司馬士師也司空亡未聞其考疏

釋曰案上官府在都鄙上此文

在都鄙下者欲見都鄙置臣與諸侯同又見諸侯下亦有都鄙之義故進都鄙在上使文承邦國之下也已上

言八法治官府今更言施法于官府言乃者亦是更申敕之也而建其正正長也亦是一官之長若大宰之等

云立其貳者謂小卿副貳大卿即小宰之等設其考者考成也佐成事者宰夫之等也殷輔義與前同注釋曰

宰夫已下竝是五官之考云司空亡未聞其考者案鄉師云及葬執纛以與匠師御匱注云匠師事官之屬其於司空若鄉師之於司徒若然鄉師是司徒之考則匠師亦司空之考而此云未聞者彼文以義約之司空考匠師也無正文

凡治以典待邦國之治以則待都鄙之

故此云未聞也

治以灋待官府之治以官成待萬民之治以禮待賓客

之治注成八成禮賓禮也

疏釋曰以其天官主治故以目之六典本以治邦國故

云以典待邦國之治八則本以治都鄙故云以則待都鄙之治八法本以治官府故云以法待官府之治八成本以治萬民故云以官成待萬民之治禮者本以接賓客故云以禮待賓客之治據上文官成在八法治官府中今特出之者以其八成本待萬民不待官府若不特出之則無此待萬民之在八法官府者欲見官府執

行故禮記云誰能秉國成則八成也以禮待賓客本在八統今特見之者以上親親敬故進賢使能保庸尊貴達吏皆是王行之於朝以示於民使民觀之入善不必更別有禮唯禮賓特別有禮若聘禮之類此皆言以者當別有篇卷使人執持施行之知然者以周禮六官皆邦國之治則六官掌事不可專主邦國故知別有篇卷但在三百之中亡逸也注釋曰八成小宰職掌禮賓禮者若聘禮觀禮掌客之等是也

掌百官之誓戒與其具脩注祀五帝謂四郊及明堂誓

戒要之以刑重失禮也明堂位所謂各揚其職百官廢

職服大刑是其辭之略也具所當共脩掃除糞洒音義

要一遙反糞弗

疏

釋曰祀五帝則掌百官之誓戒者謂祭前十日已前誓戒百官則大宰掌

之與其具脩者使百官供祭祀之具及掃除之脩也注
釋曰五帝者東方青帝靈威仰南方赤帝赤熛怒中央
黃帝含樞紐西方白帝白招拒北方黑帝叶光紀依月
令四時迎氣及季夏六月迎土氣於南郊故云祀五帝於四郊
於其郊并夏至祭所感帝於南郊故云祀五帝於四郊
也鄭云及明堂者總饗五帝於明堂依月令秦用季秋
鄭云未知周以何月案下曲禮云大饗不問卜鄭云祭
五帝於明堂莫適卜也彼明堂不卜此下經云帥執事
而卜日則此祀五帝不合有明堂鄭云及明堂者廣解
祀五帝之處其實此處無明堂云誓戒要之以刑重失
禮者言要之以刑則服大刑是也言重失禮者以失禮
為重故要之以刑引明堂位彼在祭祀之下陳之謂祭
日此是未祭前引之者欲見祭前示戒還用祭日之辭
以較之故或前或後其辭同云是其辭之略者謂誓戒
之時其辭應多不應唯有此言故云辭之略也又云具
所當供者祭祀之聯事祭祀之具百官共供故云具謂

所當供又云脩掃除糞洒者案宮人云掌六寢之前期脩守祧云其廟有司脩除之是其脩掃除糞洒也

十日帥執事而卜日遂戒注前期前所諏之日也十日

容散齊七日致齊三日執事宗伯大卜之屬既卜又戒

百官以始齊音義

前如字干本同徐昨見反本或作先如字又悉薦反諏子須反謀也散西

但反齊側疏釋曰前期者謂祭日前夕為期云前期十

皆反下同疏釋曰前期者謂祭日前夕為期云前期十

之屬執事之人而卜日又言遂戒者謂祭前十日遂戒

百官始齊注釋曰云前期前所諏之日者此依少牢所

諏之日即祭日也

凡祭祀謂於祭前之日者此依少牢所

期十日者明祭前十日卜卜之後日遂戒使散齊致

齊故云十日容散齊七以致齊三日案禮記祭統云散

齊七日以定之致齊三日以齊之云執事宗伯大卜之

屬者大宗伯職云凡祀大神享大鬼祭大示帥執事而卜日謂宗伯蒞卜又案大卜云大祭祀視高命龜故知執事中有宗伯大卜之屬中含有小宗伯及卜師故言之屬但四時迎氣冬至夏至郊天等雖有常時常日猶須審慎仍卜日故表記云不犯日月不違卜筮注日月謂冬夏至正月及四時也所不違者日與牲尸也假令不吉改卜後日故箴膏肓云天子郊以夏正上旬之日魯之卜三正下旬之日是雖有常時常日猶卜日也

及執事眡滌濯注執事初為祭事前祭日之夕滌濯謂

溉祭器及甌甌之屬音義

眡音視本又作視後皆同滌直歷反濯直角反溉古愛反

甌魚善反徐音彥一音言本又作甌音歷

疏

釋曰及猶至也謂至祭前夕大宰眡滌濯案春官小宗伯大祭

祀眡滌濯大宗伯亦云宿眡滌濯彼二官親眡滌濯大宰尊亦往蒞之注釋曰云執事初為祭事前祭日之夕

知者案下經及納亨者是祭日此云祗滌濯儀禮特牲亦云前祭日之夕視壺濯及豆籩士卑得與人君同少牢大夫禮當祭日既祭器者下人君也注又云滌濯謂既祭器及甑甗之屬知然者案少牢饗人既鼎七俎廩人既甑甗司官既豆籩及勺爵此不言七俎豆籩勺爵者之屬中含之

及納亨贊王牲事

注納亨納牲將告殺謂鄉祭之晨既殺以授亨人凡大

祭祀君親牽牲大夫贊之音義

亨普庚反注同劉疏釋普孟反鄉許亮反

及猶至也至納亨者案禮記明堂位君肉袒迎牲于門卿大夫贊君及殺訖納與亨人故言納亨云贊王牲事者即是卿大夫贊幣一人也注釋曰云納亨納牲將告殺者謂牽牲入時也禮器云納牲詔于庭殺訖毛以告純血以告殺腥其俎豚解而腥之以此訖乃納與亨人爛祭此言納亨者以牽牲也云謂嚮祭之晨者案檀弓

云周人大事以日出故知納亨是嚮祭之晨此祭天無裸故先迎牲若宗廟之祭有裸而後迎牲也云既殺以授亨人者案亨人職職外內饗之饗亨謂腥其俎後云凡大祭祀君親牽牲大夫贊之者此明堂位文彼魯侯用天子禮故還及祀之日贊玉幣爵之事注日旦明也引以證天子法

玉幣所以禮神玉與幣各如其方之色爵所以獻齊酒

不用玉爵尚質也三者執以從王至而授之音義

齊才計反

疏

釋曰及猶至也至祭日謂質明贊助也執此玉幣爵三者助而授王也注釋曰案特牲少牢皆質明行事

故知旦明云玉幣所以禮神玉與幣各如其方之色者上云祀五帝以為迎氣於四郊之等案大宗伯以玉作六器以禮天地四方又云青圭禮東方赤璋禮南方白琥禮西方玄璜禮北方季夏六月迎土氣於南郊亦用

赤璋下云牲幣彼雖幣不是禮神之幣亦云各放其器之色是其禮神幣與玉亦各如其方色也云爵所以獻齊酒者案冪人云疏布冪八尊八尊者五齊三酒之尊以其祭天無裸故無彝尊也云不用玉爵尚質也者對下經享先王用玉爵尚文此祭天不用玉爵故云尚質云三者執以從王至而授之者謂至此祀圓丘方澤祭所而授之王親自執玉幣奠於神坐親酌以獻尸

祀大神示亦如之注大神祇

謂天地音義

示本又作祇音畿

疏

釋曰云祀大神謂冬至祭天於圓丘云祀大神祇謂夏至祭

地於方澤亦如之者從掌百官誓戒已下贊玉幣爵之事已上皆如祀五帝之禮注釋曰此天謂大天對五帝為小天地謂大地對神州之神為小地故云天地也

享先王亦如之贊玉几玉

爵注玉几所以依神天子左右玉几宗廟獻用玉爵音

義

享許兩反劉音向注享幣同

疏

釋曰亦如之下別言贊玉几玉爵則天地不用玉几玉爵其言亦如

之者謂亦贊王牲事已上不云大者欲見宗廟六享同然注釋曰云天子左右玉几者此是司几筵文彼所云者謂王受諸侯朝覲會同所設今此享先王鬼神之几亦與王平生同故引為證此享先王有玉几玉爵天地有爵但不用玉飾祭宗廟用玉几天地亦應有質几不言之者文不具云宗廟獻用玉爵者按明堂位獻用玉琖謂王朝踐饋獻醕尸

大朝覲會同贊玉幣玉獻玉几

時若裸則用圭瓚也

玉爵注助王受此四者時見曰會殷見曰同大會同或於春朝或於秋覲舉春秋則冬夏可知玉幣諸侯享幣也其合亦如小行人所合六幣云玉獻獻國珍異亦執

玉以致之玉几王所依也立而設几優尊者玉爵王禮

諸侯之酢爵王朝諸侯立依前南面其禮之於阼階上

音義

同見賢遍反下同朝直遙反下文疏釋曰諸侯四時

朝覲稱大者諸侯為大會同而來故稱大朝覲贊助也

助王受此玉幣玉獻玉几玉爵也注釋曰云時見曰會

者此大宗伯文案彼注時見者言無常期諸侯有不順

服者其順服者皆來會以師助王討之故云時見曰會

云殷見曰同者亦大宗伯職文殷猶衆也謂十二歲王

如不巡狩諸侯衆來同見天子故曰殷見曰同云大會

同或於春朝或於秋覲者大會雖無常期當春來即是

春朝當秋來即是秋覲當夏來即是夏宗當冬來即是

冬遇若大同則有常期春東方六服盡來夏南方六服

盡來秋冬可知云舉春秋即冬夏可知者經直云大朝

欽定四庫全書

卷

周禮注疏

三

覲不言宗遇有宗遇可知在國行朝禮訖乃皆為壇於
 國外而命事焉云玉幣諸侯享幣也者諸侯會同皆依
 四時常朝亦春夏受贄于朝受享幣者于廟秋冬一受
 之於廟受朝既訖乃受享獻國所有珍異其行享之時
 亦璧琮加束帛以致之云其合亦如小行人所合六幣
 云者案小行人所合六幣圭以馬璋以皮璧以帛琮以
 錦琥以繡璜以黼據彼鄭注五等諸侯享天子用璧以
 帛享后用琮以錦則圭以馬璋以皮者謂二王之後享
 天子用圭以馬享后用璋以皮則琥以繡璜以黼者子
 男自相享法但小行人所云者謂四時常朝不見大朝
 覲會同法約與四時常朝同無正文故言云也云玉獻
 獻國珍異亦執玉以致之者謂三享之外別有獻國珍
 異亦如三享執玉以致之故言玉獻謂以玉致獻也云
 玉几王所依也者謂王所馮依云立而設几優尊者知
 立而設几者案司几筵云大饗射凡封國命諸侯王位
 設黼依依前南鄉左右玉几是立而設几也但春夏受

享秋冬一受之於廟廟中則有庖前設几法几為坐設
今立而設几故云優至尊也云玉爵王禮諸侯之酢爵
者案大行人云上公再裸而酢侯伯一裸而酢子男一
裸不酢此裸時大宗伯攝裸非冢宰所贊但諸侯酢王
用玉爵則冢宰贊王受之故云贊玉爵云王朝諸侯立
庖前南面者此約司几筵知之謂秋冬朝時云其禮之
於阼階上者言禮之謂裸諸侯是也知王在阼階上者
當依賓主之禮案燕禮主君在阼賓在牖戶之間故知
禮之王在阼階上也

大喪贊贈王含王注助王為之也贈王既窆

所以送先王含玉死者口實天子以玉雜記曰含者執

璧將命曰寡君使某含則諸侯含以璧鄭司農云含玉

璧琮音義

含本又作哈戶暗反後同窆疏釋曰大喪謂彼驗反徐補贈反琮才宗反

此二者也注釋曰大喪既是王喪云助王為之也者謂助嗣王也云贈玉既窆所以送先王者案既夕士禮既窆謂下棺訖主人贈用玄纁以入壙王喪雖無文應更有加亦當以玄纁為主也所贈亦既窆時也云含玉死者口實者案士喪記用貝三鄭注左右齟及中央象齒堅王含用玉義亦然也又檀弓云飯用米貝不忍虛也故云口實也云天子以玉者此云含玉玉府典瑞皆直云玉無異物之稱對大夫已下不用玉其實亦為璧形故引雜記復引先鄭為璧琮之形也但含玉始死用之贈玉於葬乃用此文後云含玉者用之則有先後此作文先後無義例典瑞并云飯玉此不云者文不具也**作大事則戒于百官贊王命**

注助王為教令春秋傳曰國之大事在祀與戎疏

釋曰上已

云祀五帝及大神祇祭祀大事戒百官訖則此云作大事戒于百官唯戎事也注釋曰春秋傳者成十三年劉

康公成肅公會諸侯伐秦成子受脤于社不敬劉子曰國之大事在祀與戎祀有執膳戎有受脤神之大節也今成子情棄其命矣其不反乎引之者證經大事是戎事連引在祀耳

王眡治朝則贊聽

治注治朝在路門外羣臣治事之朝王視之則助王平

斷疏

注釋曰王有三朝必知此是路門外朝者但外朝是斷疑獄之朝路寢庭朝圖宗人嘉事二者竝於

事簡非正朝故知治朝是路門外司士所掌者也

眡四方之聽朝亦如之注謂

王巡守在外時音義

守音狩本亦作狩後巡守皆放此

疏

注釋曰經云四方聽朝故

知巡狩時此鄭據依常者而言征伐在外亦有聽朝法以非常法故不言也

凡邦之小治則

冢宰聽之待四方之賓客之小治注大事決於王小事

冢宰專平疏

釋曰重出冢宰之名者據百官總焉故特云冢宰也

歲終則令百官

府各正其治受其會注正正處也會大計也疏

注釋曰言正正

處也者經云令百官府各正其治謂正處其所治文書大宰乃受其計會也云會大計者一歲計會即宰夫職云歲計曰聽其致事而詔王廢置注平其事來至者之

會是也
功狀而奏白王疏

釋曰百官致其治政功狀與冢宰聽斷其所致之功狀文書而詔告于王

有功者置之進其爵有罪者廢之退其爵也

三歲則大計羣吏之治而誅賞

之注事久則聽之大無功不徒廢必罪之大有功不徒

置必賞之鄭司農云三載考績疏

釋曰三年一閏天道小成則大計會百官

羣吏之治功文書上計當年已有廢置今三年上大計
大無功不徒廢更加罪大有功不徒置更加賞也注釋
曰此尚書舜典文彼云三載考績黜陟幽明
彼三年一考與此同故引證三歲大計也

周禮注疏卷二

周禮注疏卷二考證

太宰之職疏地道主民故云擾萬民○道當作官以五官例之可見

以八灋治官府疏及小宰還從邦治○監本脫邦字今依經文補之

以八則治都鄙注禮俗昏姻喪紀舊所行也○俗監本訛祀今依經文改正

疏言朝位者皆依爵之尊卑為次則經云位據立故

云爵次也○立疑當作爵

又貢功也九職之功者○據注應作九職之功所稅者脫所稅二字

以九職任萬民疏以秣為赤粟○赤監本訛作亦今改正

又晉衛之男女皆是故引晉惠以釋之也○衛當作惠

以九賦斂財賄三曰邦甸之賦○邦字監本訛郊今依

石經及注改正

以九式均節財用疏王家之喪所用大非此所共也○

臣照

按賈公彥之意謂九式皆畿內所共大喪必天下共之故謂非此所共顧喪事總總奚能天下共之即畿內亦豈有無式者其說似未可信也

又聘禮賄用束紡○聘監本訛作職今改正

以九兩繫邦國之民疏若比長閭胥有以治政之所得民○有以治政之所得民疑當作有政治之所以得

民


又舉藪而言則山澤十等○十當作之

乃施典于邦國注諸侯上士二十七人其中士下士各居其上之三分○中士下士下當有一數字觀本疏可知

乃施灋于官府疏宰夫已下並是五官之考○考監本訛作長今改正

大朝覲會同疏春東方六服盡來夏南方六服盡來秋

冬可知○可知監本訛作司農或云當作西北又但
春夏受享秋冬一受之於廟○臣浩按上文云諸侯
會同皆依四時常朝亦春夏受贄於朝受享幣者於
廟秋冬一受之於廟則此云春夏受享疑有闕文似
當作春夏受贄於朝受享於廟



周禮注疏卷二考證

欽定四庫全書

經部

周禮注疏卷三

詳校官監察御史_臣祝德麟

刑部郎中_臣許兆椿覆勘

覆校官庶吉士_臣侍朝

校對官中書_臣汪日章

謄錄貢生_臣潘河

欽定四庫全書

周禮注疏卷三

漢鄭氏注 唐陸德明音義 賈公彥疏

小宰之職掌建邦之宮刑以治王宮之政令凡宮之糾

禁注杜子春云宮當皆為官玄謂宮刑在王宮中者之

刑建明布告之糾猶割也察也若今御史中丞音義宮

鄭如字謂宮中之糾注釋曰覆鄭以宮刑宮中之刑不

刑也干同杜作官疏從子春官刑者見秋官司寇已云

四曰宮刑此小宰不往戴之則不須重掌又見下文觀

治象乃退以宮刑憲禁于王宮故知宮刑明矣云建明

布告之者上冢宰尊所云建六典之等為建立之義小宰卑云建者則明布告使知而已云糾猶割也察也者既言糾謂糾舉其非事已發者依灋斷割之事未發者審察之云若今御史中丞者應劭云秩千石朝會獨坐副貳御史大夫內掌蘭臺圖籍外督刺史糾察百寮故舉漢法況之掌邦之六典八灋八

則之貳以逆邦國都鄙官府之治注逆迎受之鄭司農

云貳副也音義

治直吏反下及注皆同

疏

釋曰大宰本以六典治邦國今還以六典逆邦

國之治逆謂迎受句考之也大宰本以八法治朝廷官府今還以八法句考官府之治大宰本以八則治都鄙今還以八則句考都鄙之治執邦之九貢九賦九式之

皆句考使知功過所在也

貳以均財節邦用疏

釋曰此三者竝大宰所掌者以其冢宰制國用九貢九賦斂財賄九

式用之事之大者故小宰副貳之然大宰有九職小宰不貳之者以其九職云任萬民小宰若云貳謂任使亦貳之故不言其實九職任之使之出貢用之則小宰亦貳之九貢中兼之矣以其九職亦有九貢故也以均財節邦用者以九式竝舊有灋式以官府之六敘正羣吏多少不得增減故云均節也

一曰以敘正其位二曰以敘進其治三曰以敘作其事

四曰以敘制其食五曰以敘受其會六曰以敘聽其情

疏敘秩次也謂先尊後卑也治功狀也食祿之多少情

爭訟之辭音義

爭爭鬭之爭

疏

釋曰凡言敘者皆是次敘先尊後卑各依秩次則羣吏得

正故云正羣吏也一曰以敘正其位者謂若卿大夫士朝位尊卑次列二曰以敘進其治者謂卿大夫士有治

職功狀文書進于上亦先尊後卑也三曰以敘作其事者謂有所執掌起事亦先尊後卑也四曰以敘制其食者謂制祿依爵命授之亦先尊後卑也五曰以敘受其會者謂歲終進會計文書受之亦先尊後卑也六曰以敘聽其情者情謂情實則獄訟之情受聽斷之時亦先尊後卑也注釋曰云秩次者謂尊卑之常各有次序也以官府之六屬舉邦治一曰天官其屬六十掌邦治大事則從其長小事則專達二曰地官其屬六十掌邦教大事則從其長小事則專達三曰春官其屬六十掌邦禮大事則從其長小事則專達四曰夏官其屬六十掌邦政大事則從其長小事則專達五曰秋官其屬六十

掌邦刑大事則從其長小事則專達六曰冬官其屬六十掌邦事大事則從其長小事則專達注大事從其長若庖人內外饗與膳夫共王之食小事專達若宮人掌舍各為一官六官之屬三百六十象天地四時日月星辰之度數天道備焉前此者成王作周官其志有述天授位之義故周公設官分職以灋之音義達干云疏釋六屬舉邦治者謂官盛任使立長官必當以屬官佐之邦治得舉是以六官各有其屬六十故云官府之六屬舉邦治也一曰天官謂大宰之官其屬六十謂宮正至夏采皆掌治職故云掌治也云大事則從其長者謂若

膳夫鄭注云膳夫食官之長也則下庖人內外饗亨人
有事皆來諮白膳夫故云大事從其長也小事則專達
者謂若宮人掌舍無大事無長官可諮自專行事以下
五官皆此類也注釋曰云大事從其長若庖人內外饗
與膳夫共王之食者此竝共王食是同事故庖人已下
諮膳夫長官也云小事專達者若宮人掌舍直掌王之
行設桎梏之等二官竝是小事又不立長官當官行事
故云各為一官是專達也鄭直舉天官之內其事顯者
各言其一餘官若大府鄭云治藏之長地官司市鄭云
市官之長春官大司樂鄭云樂官之長夏官司甲鄭云
兵戈盾官之長如此之類其事甚多不可具陳也小事
則專達天官甚衆亦不可具言也云六官之屬三百六
十象天地四時日月星辰之度數者依周髀七曜皆云
周天三百六十五度四分度之一舉全數亦得云三百
六十也言地則與天配合四時言周天亦是地之數十
二月亦是周天之數日日行一度月日行十三度十九

分度之七日月所行亦在周天之數星辰謂二十八宿
十二次亦在周天數內皆不離三百六十五度四分度
之一耳天地四時日月星辰之度數所從言之異耳故
尚書洪範云五紀一曰歲二曰月三曰日四曰星辰皆
別言之下以歷數總結之亦是類也云天道備焉者以
此三百六十官是天道備矣云前此者成王作周官其
志有述天授位之義者鄭依書傳云周公攝政三年減
奄與減淮夷同時又按成王周官成王既黜殷命減淮
夷還歸在豐作周官則成王作周官在周公攝政三年
時周公制禮在攝政六年時故云前此者謂成王前於
此時作周官其志謂成王志意有述天授位之義即彼
周官云唐虞稽古建官惟百夏商倍之今予小子訓迪
厥官以立太師太傅太保茲惟三公論道經邦變理陰
陽下又云古三孤及天地四時之官是其志有述天地
三百六十官位之義故周公設官分職法之也此鄭義
不見古文尚書故為此解若孔據古文尚書多士已下

竝是周公致政後成王之書周公攝政時淮夷奄與管蔡同作亂成王即政後又叛成王親征之故云滅淮夷還歸在豐作周官用人之法則彼周官在此周禮後與鄭義異也

以官府之六職辨邦

治一曰治職以平邦國以均萬民以節財用二曰教職以安邦國以寧萬民以懷賓客三曰禮職以和邦國以諧萬民以事鬼神四曰政職以服邦國以正萬民以聚百物五曰刑職以詰邦國以糾萬民以除盜賊六曰事職以富邦國以養萬民以生百物注懷亦安也賓客來共其委積所以安之聚百物者司馬主九畿職方制其

貢各以其所有音義

委於偽反下賙委同積子賜反

疏

釋曰云以官府六職辨邦治者

六官者各有職若天官治職地官教職其職不同邦事得有分辨故云以辨邦治也一曰治職者謂以平為義也云以節財用者亦以制國用故也二曰教職以安邦國以寧萬民者安邦國與教典同彼云擾萬民此云寧萬民不同者上擾為馴馴則寧義無異也云懷賓客者以有委積故賓客懷安也三曰禮職以和邦國以諧萬民者此與上禮典同也云以事鬼神者以其主祭祀當職之事也四曰政職以服邦國以正萬民者上政典云平邦國均萬民不同者服由平定使之然則服亦平也均與正義亦一也云以聚百物者鄭云司馬主九畿職方制其貢貢即百物也五曰刑職以詰邦國以糾萬民此與上刑典文同云除盜賊者有寇則罪之盜賊得除故云除盜賊也六曰事職以富邦國以養萬民者上事典以生萬民生則養也與上同此六職不云官府百官

與六典不同者以六職皆當職行事義不及遠故與六典文異也注釋曰教典共其委積者大司徒下有遺人掌十里有廬廬有飲食之等故云共委積也云司馬主九畿并引職方者司馬直主九畿無貢物之事故引其屬職方也

以官府之六聯合邦治一曰祭祀之聯事二曰賓客之聯事三曰喪荒之聯事四曰軍旅之聯事五曰田役之聯事六曰斂弛之聯事凡小事皆有聯注鄭司農云大祭祀大宰贊玉幣司徒奉牛牲宗伯視滌濯泣玉鬯省牲鑊奉玉齋司馬羞魚牲奉馬牲司寇奉明水火大喪大宰贊贈玉含玉司徒帥六鄉之衆庶屬其六紉

宗伯為上相司馬平士大夫司寇前王此所謂官聯杜
子春施讀為施玄謂荒政弛力役及國中貴者賢者服

公事者老者疾者皆舍不以力役之事奉牲者其司空

奉豕與音義

弛尸氏反劉本作施音弛杜作施音利
又音類邕勅亮反鑊戶郭反齏音資鄉音

香屬音燭

徐音肖劉音引

疏釋曰云以官府之六聯

本或作引相息亮反與音餘

合邦治者謂官府之中

有六事皆聯事通職然後國治得會合故云合邦治也
一曰祭祀之聯事三曰喪荒之聯事此二者鄭注具以

其二者顯著故特言之二曰賓客之聯事者鄭雖不言
紫大宰大朝覲會同贊玉幣玉獻大司徒令野脩道委

積大宗伯朝覲會同則為上相大司寇云凡朝覲會同
前王唯大司馬不見有事司空又亡四曰軍旅之聯事

者以六軍軍將皆命卿田役亦然且大司徒云大軍旅大田役以旗致萬民大司馬云大師建大常比軍衆中春教振旅之事六曰斂弛之聯事者竝大宰任九職九貢九賦司徒制貢小司徒令貢賦若通數小官則多矣云凡小事皆有聯者謂司關云掌國貨之節以聯門市之類是也注釋曰司農雖解祭祀及大喪二事皆不言司空司空亡故也大祭祀唯大宰尊不奉牲宗伯不言奉鷄司馬直言奉馬不兼言奉羊司寇不言奉犬皆略不言可知杜子春弛讀為施者若依施施是施惠事不必連若為弛則於事廣矣故後鄭不從之玄謂荒政弛力役者此經三曰喪荒荒謂年穀不熟大司徒有荒政十二其中四曰弛力弛力役謂廩人歲不能人二釜則令移民就穀是時弛力役也鄉大夫云國中貴者謂有官爵者賢者謂有德行者服公事者謂若庶人在官者老謂國中六十者疾者謂廢疾不堪役者皆舍不以力役之事也云奉牲者其司空奉豕與者司空雖亡案五

行傳云聽之不聽時則有豕禍豕屬北方又說卦云坎為豕是豕屬水故知司空奉豕無正文故云與以疑之

也以官府之八成經邦治一曰聽政役以比居二曰聽師田以簡稽三曰聽閭里以版圖四曰聽稱責以傅別五曰聽祿位以禮命六曰聽取予以書契七曰聽賣買以質劑八曰聽出入以要會注鄭司農云政謂軍政也役謂發兵起徒役也比居謂伍籍也比地為伍因內政寄軍令以伍籍發軍起役者平而無遺脫也簡稽士卒兵器簿書簡猶閑也稽猶計也合也合計其士之卒伍

閱其兵器為之要簿也故遂人職曰稽其人民簡其兵器國語曰黃池之會吳陳其兵皆官師擁鐸拱稽版戶籍圖地圖也聽人訟地者以版圖決之司書職曰邦中之版土地之圖稱責謂貸子傅別謂券書也聽訟責者以券書決之傅傅著約束於文書別別為兩兩家各得一也禮命謂九賜也書契符書也質劑謂市中平賈今時月平是也要會謂計最之簿書月計曰要歲計曰會故宰夫職曰歲終則令羣吏正歲會月終則令正月要

傅別故書作傅辨鄭大夫讀為符別杜子春讀為傅別
玄謂政謂賦也凡其字或作政或作正或作征以多言
之宜從征如孟子交征利云傅別謂為大手書於一札
中字別之書契謂出予受入之凡要凡簿書之最目獄
訟之要辭皆曰契春秋傳曰王叔氏不能舉其契質劑
謂兩書一札同而別之長曰質短曰劑傅別質劑皆今
之券書也事異異其名耳禮命禮之九命之差等音義
政鄭音征司農如字比毗志反注同傅音附注同別彼
列反注同會古外反凡要會會計之字皆放此卒子忽

反下同閭音悅貸他代反著疏釋曰以官府之中有八
直略反賈音嫁月平劉音病疏事皆是舊法成事品式
依時而行之將此八者經紀國之治政故云經邦治也
一曰聽政役以比居者八事皆聽者民事爭訟當斷之
也政謂賦稅役謂使役民有爭賦稅使役則以地比居
者共聽之二曰聽師田以簡稽者稽計也簡閱也謂師
出征伐及田獵恐有違灋則當閱其兵器與人并算足
否三曰聽閭里以版圖者在六鄉則二十五家為閭在
六遂則二十五家為里閭里之中有爭訟則以戶籍之
版土地之圖聽決之四曰聽稱責以傅別者稱責謂舉
責生子彼此俱為稱意故為稱責於官於民俱是稱也
爭此責者則以傅別券書決之五曰聽祿位以禮命者
禮命謂以禮命其人策書之本有人爭祿之多少位之
前後則以禮命文書聽之也六曰聽取予以書契者此
謂於官直貸不出予者故云取予若爭此取予者則以
書契券書聽之七曰聽賣買以質劑者質劑謂券書有

人爭市事者則以質劑聽之八曰聽出入以要會者歲計曰會月計曰要此出入者正是官內自用物有人爭此官物者則以要會簿書聽之注釋曰政軍政後鄭不從者若軍政自在大司馬聽之何得在此乎云此居謂伍籍也者即司徒職五家為比出軍即五人為伍云因內政寄軍令者謂在家五家為比五比為閭四閭為族五族為黨五黨為州五州為鄉若出軍則家出一人則還五人為伍是一比長還為伍長領之二十五人為兩是一閭閭胥即為兩司馬領之以此言之至一鄉出一軍軍將還是鄉大夫為之是因內政寄軍令此管子文彼云作內政司農云因內政者讀字不同云簡稽士卒兵器簿書者士卒謂車列甲士三人步卒七十二人兵器謂弓矢及矛戈戟皆有簿書故引遂人以證之也云國語曰黃池之會者吳語吳晉爭長吳人令曰伏兵甲陳士卒百人為徹行行頭官帥擁鐸拱稽稽名籍也先鄭為計計謂據名籍計之義合故引之也云版戶籍者

後鄭下注亦云鄉戶籍圖謂民之地圖故引司書版圖以證之云責謂貸子者謂貸而生子者若今舉責即地官泉府職云凡民之貸者以國服為之息若近郊民貸則一年十一生利之類是也云傳傳著約束於文書別者各得其一二字別釋後鄭不從者名為券書即是傳著於文書可知後鄭傳別二字共為一事解之云禮命謂九賜也者後鄭不從者九賜之言出自禮緯含文嘉八命已上乃有九賜此所聽斷何得取八命已上解之云書契符書也者謂官券符璽之書此據官予民物何得為符璽之書解之故後鄭不從也云質劑謂市中平賈今時月平是也後鄭不從者地官質人云大市曰質小市曰劑若今月平賈不合有兩名故不從也云月計曰要歲計曰會者官之出入有要會簿書計管故引宰夫證之也鄭大夫讀傳別為符別後鄭不從又云傳別故書作傳辨不從古書也玄謂政謂賦也賦則口率出泉且與役同文皆是科稅之事也云凡其字或作政者

此經政役是也或作正者其字或有作正字者或作征者即孟子云交征利及鄉大夫云皆征之是也云征虜多故鄭從征也孟子交征利者案孟子云孟子見梁惠王王曰叟不遠千里而來亦將有以利吾國乎對曰何必曰利亦有仁義而已矣王則曰何以利吾國大夫曰何以利吾家士庶人曰何以利吾身上下交征利則國危矣引之以證征是口稅之法云傳別謂為大手書於一札中字別之者謂於券背上大作一手書字札字中央破之為二段別之云書契謂出予受入之凡要者此予則取予謂若泉府云凡賒者祭祀無過旬日喪紀不過三月及旅師云春頒秋斂賒取官物後還無生利之事凡要亦是簿書也云凡簿書之最目獄訟之要辭皆曰契者簿書之最目曰契即取予以書契是也獄訟之要辭曰契即鄭引春秋傳者是也其春秋王叔氏事在襄十年彼云王叔陳生與伯輿爭政晉侯使士匄平王室使王叔氏與伯輿合要王叔氏不能舉其契此即獄

訟之要辭曰契云質劑謂兩書一札同而別之長曰質短曰劑者案地官質人云大市曰質小市曰劑鄭注大市人民馬牛之屬用長券小市兵器珍異之物用短券言兩書一札同而別之者謂前後作二券中央破之兩家各得其一皆無手書字異於傳別故鄭云傳別質劑皆今之券書也云禮命禮之九命之差等者謂若大宗伯九儀從一命受職以至以聽官府之六計弊羣吏之九命作伯差等有九是也

治一曰廉善二曰廉能三曰廉敬四曰廉正五曰廉灋六曰廉辨注聽平治也平治官府之計有六事弊斷也既斷以六事又以廉為本善善其事有辭譽也能政令行也敬不解于位也正行無傾邪也灋守灋不失也辨

辨然不疑惑也杜子春云廉辨或為廉端音義反必世

如字下文治其弛舍同斷丁亂疏釋曰言六計弊羣吏反下同解佳賣反邪似嗟反之治者六計謂善能

敬正灋辨六者不同既以廉為本又計其功過多而聽斷之故云六計弊羣吏之治也注釋曰云皆以廉為

本者此經六事皆先言廉後言善能有辭譽也者謂有善本廉者潔不濫濁也云善善其事有辭譽也者謂有善

事四方令聞辭譽也云能政令行也者謂雖無辭譽所行政令得行也云敬不解於位也者謂敬其職位恪居

官次也云正行無傾邪也者以其行正直言公正無私也云灋守灋不失也者謂依灋而行無有錯失也云辨

辨然不疑惑也者謂其人辨然於事分明無有疑惑之事也杜子春云廉辨或為廉端者經本或為廉端後鄭

不從者若為端端亦正與廉正為重故不從引之在下者不苟違之亦得為一義故也

以灋掌祭

祀朝觀會同賓客之戒具軍旅田役喪荒亦如之注灋

謂其禮灋也戒具戒官有事者所當共疏注釋曰言禮灋謂七者皆

有舊灋依行若九式曰祭祀之式云戒具戒官有事所當共也者此七事在大宰八灋中六曰官灋彼在八曰

官計上者以其彼有數故在上七事者令百官府共其此官法無數故退在六計下也

財用治其施舍聽其治訟注七事謂先四如之者三也

施舍不給役者七事故書為小事杜子春云當為七事

書亦為七事音義共音恭禮奉供字皆作共可以意求之疏釋曰言以灋掌祭祀以下

七者皆是上六聯百官聯事通職者以其衆官共故經云令百官府共其財用也然六聯之中不言朝觀會同

者以彼賓客中可以兼之以其朝覲會同還是諸侯賓客之事此七事不言斂弛以其非七事中之大事故退之在下注釋曰七事先四謂從祭祀至賓客云如之者三也者從軍旅至喪荒也云施舍不給役者上六聯注引鄉大夫國中貴者賢者服公事者老者疾者是也云七事故書為小事者與經不相當故杜子春從經為正也

凡祭祀贊王幣爵之事裸將之事注又從大宰助王也

將送也裸送送裸謂贊王酌鬱鬯以獻尸謂之裸裸之

言灌也明不為飲主以祭祀唯人道宗廟有裸天地大

神至尊不裸莫稱焉凡鬱鬯受祭之啐之奠之音義

裸古

亂反為于偽反稱疏注釋曰案大宰職云祀五帝贊王尺證反啐寸對反幣爵今此又云祭祀贊此三者謂

小宰執以授大宰大宰執以授王是相贊助故云又從大宰助王也云將送也裸送送裸謂贊王酌鬱鬯以獻尸者上云贊王幣爵據祭天而下別云裸將是據祭宗廟且上大宰不言贊裸將則大宰不贊之故此注云贊王酌鬱鬯也云明不為飲主以祭祀者朝踐已後尸乃飲二裸為奠不飲故云不為飲主以祭祀云唯人道宗廟有裸天地大神至尊不裸者據大宰祀五帝及大神示亦如之皆不言裸此文又裸將在王幣爵之下明宗廟有裸天地無裸且大宗伯祀天言禋祭社言血享大神不灌者不用降神無妨用鉅鬯必若然天地用八尊直有五齊三酒不言鉅鬯尊者以其冢人職天地八尊者以與宗廟六彝相對為文鬯人職鉅鬯不入彝尊則別有尊矣不言者略耳不裸者覆載之德其功尤盛欲報之德無可稱焉故無裸直加敬而已其牲用特其器陶匏皆是質略之事故鄭云莫稱焉云凡鬱鬯受祭之啐之奠之者謂王以圭瓚酌鬱鬯獻尸后亦以璋瓚酌

鬱鬯獻尸尸皆受灌地降神名為祭之向口啐之啐之謂入口乃奠之於地也祭天地既言無灌案宗伯蒞王鬯又案禮記表記云親耕粢盛秬鬯以事上帝上帝得有秬鬯者案春官鬯人職掌共秬鬯下所陳社稷山川等外神皆用秬鬯不用鬱廟言灌是亦天地無裸也天地無人職用鬱鬯者唯有宗廟及裸賓客耳

凡賓

客贊裸凡受爵之事凡受幣之事注唯裸助宗伯其餘

皆助大宰王不酌賓客而有受酢大宗伯職曰大賓客

則攝而載裸疏

釋曰凡賓客贊裸者案大行人云上公再裸而酢侯伯一裸而酢子男一裸不

酢謂諸侯來朝朝享既畢王禮之有贊灌酢之禮也云凡受爵之事者謂上公與諸侯酢王之爵王受之云凡受幣之事者謂廟中行三享享時璧以帛琮以錦致享時有此受幣之事皆言凡者謂諸侯非一故言凡以廣

之也注釋曰言唯祿助宗伯者後引宗伯職者是也云其餘皆助大宰者謂受爵幣二者皆助大宰賓客酢王之時大宰於賓處受而授王王飲訖大宰受爵以授小宰受幣之時亦王親受受以授大宰大宰以授小宰也云王不酌賓客而有受酢者案燕禮使宰夫為主人是君不酌臣於諸侯亦然受酢是飲酒之事臣不可代君飲酒故有受酢之事也又引大宗伯職曰大賓客則攝而載祿者案彼鄭注云載為也言為者攝酌獻耳拜送則王也若然大宗伯非直攝王祿若上公再祿兼有后祿之時大宗伯亦代后祿也拜送則后也拜乃恭敬之事亦不可使**喪荒受其含祔幣玉之事**注春秋傳曰口臣代之故也

實曰含衣服曰祔凶荒有幣玉者賓客所賙委之禮音

義

祔音遂賙音周

疏

釋曰喪謂王喪諸侯諸臣有致含祔幣玉之事荒謂凶年諸侯亦有致幣玉之事上

大宰不言則此小宰專受之案禮記少儀云臣致綦於君則曰致廢衣於賈人則諸侯臣皆得致舍綦也注釋曰云春秋傳者公羊文其舍綦所用之死之時若既殯之後亦容有致之灋故禮記雜記殯後諸侯遣使致舍綦之禮主人受之雖不及事容致厚意是以春秋左氏秦人來歸僖公成風之綦亦在踰年後春秋不譏也云凶荒則令綢委之彼謂王家綢委諸侯法此謂諸侯國凶荒則令綢委之賓客所綢委之禮者案小行人云若綢委王月終則以官府之敘受羣吏之要注主每月之家法也

小計疏

釋曰月計曰要故每月月終則使官府致其簿書之要受之當先尊後卑故言敘注釋曰言小

計對下經歲會為大計也贊冢宰受歲會歲終則令羣

吏致事注使齋歲盡文書來至若今上計音義

齋子兮反上時

掌反疏釋曰贊助也歲計曰會言冢宰則據百官總焉

下同疏謂助冢宰受一歲之計云歲終則令羣吏致事

者謂使六官各致一年功狀將來考之故也注釋曰漢之朝集使謂之上計吏謂上一年計會文書及功狀也

正歲帥治官之屬而觀治象之灋徇以木鐸曰不用灋者國有常刑注正歲謂夏之正月得四時之正以出教令者審也古者將有新令必奮木鐸以警衆使明聽也

木鐸木舌也文事奮木鐸武事奮金鐸音義夏戶雅反

疏釋曰此則大宰周之正月之吉始和布之於天下至此建寅正歲之正月懸之於象魏其小宰亦助大宰

帥治官六十官之屬及萬民而觀治象之法使知當年治政之法也其時小宰徇以木鐸以警衆曰不用灋者

國有常刑欲使之用命不犯刑也注釋曰知正歲是夏之正月者見凌人云正歲十有二月令斬冰若正歲是建子周正即今之十月水未堅不得斬之言正歲得四時之正周殷則不得以此推之諸言正歲者皆四時之正是建寅之月云古者將有新令必奮木鐸以警衆者案禮記檀弓云自寢門至於庫門振木鐸曰舍故而諱新彼及此文皆是有命奮木鐸警衆使明聽之事也云木鐸木舌者鐸皆以金為之以木為舌則曰木鐸以金為舌則曰金鐸也云文事奮木鐸者此文乃上檀弓并明堂位曰振木鐸於朝天子之禮皆是也又云武事奮金鐸者鼓人云金鐸通鼓大司馬云兩司馬振鐸是也乃退以宮刑憲禁于王宮

注憲謂表縣之若今新有法令云疏

注釋曰凡刑禁皆出秋官今云憲禁

者與布憲義同故小宰得秋官刑禁文書表而縣之於宮內也

令于百官府曰各修乃

職攷乃灋待乃事以聽王命其有不共則國有大刑注

乃猶女也疏

釋曰此經於職末當稟於大宰而令百官謹于此數事以結之也

宰夫之職掌治朝之灋以正王及三公六卿大夫羣吏

之位掌其禁令注治朝在路門之外其位司士掌焉宰

夫察其不如儀音義

治直吏反注及下之治贊治官疏掌其治皆同朝直遙反後皆同

釋曰言掌治朝之法以正王及三公六卿大夫羣吏之位者案司士云正朝儀之位辨其貴賤之等王南鄉三公北面東上孤東面北上卿大夫西面北上王族故士虎士在路門之右南面東上大僕大右大僕從者在路門之左南面西上此羣吏即羣士是其位也掌其禁令即察其不如儀耳注釋曰知此治朝在路門外者燕朝在路寢庭

外朝在庫門外其事希簡非常治政之所此云治朝是常治事之朝故知是路門外夏官司士所掌者知察其不如儀者宰夫與司士俱是下大夫非贊治朝又見經云禁令知直察其不如儀式者也

敘羣吏之

治以待賓客之令諸臣之復萬民之逆注恒次敘諸吏

之職事三者之來則應使辦理之鄭司農云復請也逆

迎受王命者宰夫主諸臣萬民之復逆故詩人重之曰

家伯維宰玄謂復之言報也反也反報於王謂於朝廷

奏事自下而上曰逆逆謂上書疏

釋曰此宰夫次敘羣吏諸臣等之治職即

以待賓客已下三事使之應答不闕於事也言以待賓客之令此一者謂若大宗伯朝覲會同則為上相肆師

云大朝觀佐饌及大小行人掌客掌訝委人遺人之屬
皆是待賓客之官使辦理之也云諸臣之復此其二者
案夏官小臣職云掌三公及孤卿之復逆復逆並掌之
此不言逆者但宰夫直次之不掌事故於文略也又案
夏官大僕職云掌諸侯之復逆此諸臣中兼之此宰夫
恒敘大僕小臣等辦理此復逆之事也云萬民之逆此
三也者案夏官御僕職掌羣吏庶民之復逆彼羣吏與
此經羣吏為羣臣別故鄭彼注羣吏府史以下此不言
羣吏及復亦是文略也此宰夫次敘御僕使辦理府史
萬民復逆也注釋曰鄭司農云復請也逆迎受王命者
復是報白之義不得為請故後鄭不從又王命既出在
下受而行之不得云逆逆者向上之言不為向下之義
故後鄭亦不從云宰夫主諸臣萬民之復逆故詩人重
之曰家伯維宰者知彼宰非大宰而當此宰夫者維宰
在司徒下膳夫上故知是宰夫也此先鄭以官次第當
宰夫案鄭彼注冢宰掌建邦之六典皆卿也不從司農

者諸經單稱宰者皆大宰若宰夫無單言宰者故為大宰解之若然大宰在司徒下者彼以權寵為次不以尊卑故內史中大夫在膳夫上士之下師氏中大夫在趣馬下士之下玄謂復之言報也反也者謂羣臣受王命使臣行之訖反報於王故云朝廷奏事也云自下而上曰逆者謂自上而下曰順故自下而上曰逆也言上書者則今之上表也若然據夏官諸侯諸臣萬民皆復逆竝有則此亦皆有上書奏事耳司農於此注復為請逆為迎受王命後鄭不從及至夏官大僕先鄭注云復謂奏事逆謂受下奏即與後鄭義同故彼後鄭從之若然是先鄭兩解也案內豎云掌外內之通令凡小事鄭注云內後六宮外卿大夫也使童豎通王內外之命給小事者以其無與為禮出入便疾內外以大事聞王則大事俟朝而自復若然何須更有小臣等復逆乎然者一日萬機或有俟朝自復有大事急促不得待朝即須非時通傳使聞徹在上者也

掌百官府之

徵令辨其八職一曰正掌官灋以治要二曰師掌官成以治凡三曰司掌官灋以治目四曰旅掌官常以治數五曰府掌官契以治藏六曰史掌官書以贊治七曰胥掌官敘以治敘八曰徒掌官令以徵令注別異諸官之八職以備王之徵召所為正辟於治官則冢宰也治要若歲計也師辟小宰宰夫也治凡若月計也司辟上士中士治目若今日計也旅辟下士也治數每事多少異也治藏藏文書及器物贊治若今起文書草也治敘次

序官中如今侍曹伍伯傳吏朝也徵令趨走給招呼音

義

藏才浪反注治藏同別彼列反辟疏釋曰言掌百官音譬本亦作譬下皆同傳直專反疏府之徵令辨其

八職者謂總王朝三百六十官以備王之所徵召及施令若不分別其職則徵召無所指斥故須分辦三百六十職也一曰正者正長也六卿下各有屬六十故六卿稱正也云掌官灋者掌當官之灋也以治要者要謂大計要也注釋曰自正已下為八職皆備王招呼則正亦備王招呼及所為也言正辟於治官則冢宰也者以其六卿異目或稱大宰或稱司徒之等尊卑相似正長也每職各為一官之長故總謂之正也以其六者非一相比辟故以辟言之今舉天官一官言之餘可知云治要若歲計也者案下文歲終云會月終云要旬終云成此歲云要者但六卿下文要不云會以要當會處故以治要為歲計也云師辟小宰宰夫也者以下文四曰旅是

下士諸官皆名旅其下士之上上有上士中士向上差次
當三曰司上士之上向上差次有小宰宰夫故知二曰
師當小宰宰夫也言辟者亦是六卿之下皆有此二者
若司徒之下小司徒鄉師之類故亦言辟也二者同名
師者亦是六者異目尊卑相次故同名師也云治凡若
月計者上要既當歲會故治凡當月計曰要之處也云
司辟上士中士者此亦是題目有異若大司馬之下上
士曰與司馬中士曰行司馬與諸官上士中士不同尊
卑相似故總謂之司馬以其各有職司也六官之下同
名司故亦云辟也云治目若今日計也者從治要向下
以次差之此治目當日計曰成之處故云今日計也云
旅辟下士也者此下士既無所無故存本號曰旅亦是
六官下同號曰旅故亦曰辟也云治數每事多少異也
者以上治目當日計此治數無數當下士稱旅理衆事
故以治數為每事多少解之云治藏藏文書及器物者
其名曰府府者主以藏物故藏當司文書及當司器物

也云贊治若今起文書草也者起文書草乃後判決是為贊治之法故稱贊治也云治敘次序官中者既有才智為什長當次敘官中須人驅役之處則科次其徒故云次敘官中也云如今侍曹伍伯傳吏朝也者漢時五人為伍伯長也是五人之長言傳吏朝者傳在朝羣吏諸官事務於朝也胥為什長亦然故舉漢灋況之也云徵令趨走給召招呼者其徒止為在朝掌治灋以致百官趨走供給官人召呼使役之事也

府羣都縣鄙之治乘其財用之出入凡失財用物辟名者以官刑詔冢宰而誅之其足用長財善物者賞之注羣都諸采邑也六遂五百家為鄙五鄙為縣言縣鄙而六鄉州黨亦存焉乘猶計也財泉穀也用貨賄也物畜

獸也辟名詐為書以空作見文書與實不相應也官刑

在司寇五刑第四者音義

辟徐芳石反劉芳益反干云不當也畜許又反見賢遍反

疏

釋曰宰夫是句考之官故以治灋考百官府及羣都縣鄙鄉遂之內治功善惡也言乘計其財用之出入

者謂上數處用官物者當乘計其用財之出入知其多少云凡失財用物辟名者謂失官家財及用與物三者而辟名者以官刑詔告冢宰長官誅責之也有足用用之能足長財財又能長善物物又能善如此者賞之注釋曰云羣都諸采邑也者謂大都小都家邑三處也云六遂五百家為鄙五鄙為縣者遂人文云六鄉州黨亦存焉者六遂在外尚考之六鄉在內考之可知不言者舉外以包內也云乘猶計也者計者算灋乘除之名出於此也云財泉穀也者上九賦斂財賄已釋訖云用貨賄也者案內府云掌受九貢九賦九功之貨賄以待邦

之大用故知用中有貨賄也云物畜獸也者案獸人云
掌畧田獸辨其名物及春秋獻獸物又牧人云掌牧六
牲而阜蕃其物以此知物中有畜有獸也云辟名詐為
書以空作見文書與實不相應也者其人失財用物者
則詐為文書以空物作見在文書與實物不相應是罪
人也云官刑在司寇五刑第四者彼司寇掌五刑其四
曰官刑上能以式灋掌祭祀之戒具與其薦羞從大宰

糾職是也

而眡滌濯注薦脯醢也羞庶羞內羞疏

釋曰言式灋者謂祭祀大小皆

有舊法式依而戒敕使共具之云與其薦羞者謂亦戒
具之也云從大宰而眡滌濯者上大宰職已云祀五帝
眡滌濯此宰夫又從大宰眡之也注釋曰案儀禮鄉飲
酒鄉射燕禮諸單言薦者皆是脯醢故知此薦亦脯醢
云羞庶羞內羞者庶羞謂天子八豆諸侯六豆之等內
羞謂祭祀食後所加言內者少宰所謂房中之羞糗餌

粉飴是也

凡禮事贊小宰比官府之具注比校次之音義

如比

字注同戚毗志反

疏

注釋曰上小宰於七事已言以灋掌戒具此宰夫贊小宰校次之使知善惡是否也

凡朝覲會同賓客以牢禮之灋掌其牢禮委積膳獻飲食賓賜之飧牽與其陳數注牢禮之灋多少之差及其時也三牲牛羊豕具為一牢委積謂牢米薪芻給賓客道用也膳獻禽羞俶獻也飲食燕饗也鄭司農云飧夕食也春秋傳曰飧有陪鼎牽牲牢可牽而行者春秋傳曰餼牽竭矣玄謂飧客始至所致禮凡此禮陳數存可

見者唯有行人掌客及聘禮公食大夫音義委於偽反

此二字相連皆同此音飲鄭徐於鴿反注同食音嗣注

飲食公食同音孫牽一本作賓賜掌其飧牽干本同

飯昌疏釋曰上大宰云大朝覲會同彼言大謂朝覲為

六反疏會同而來今此朝覲不言大則朝覲自是四時

常朝及會同皆有賓客也云以牢禮之灋者五等諸侯

來朝天子待之自有常灋若大行人掌客者也云掌其

牢禮者下別言委積之等則此牢禮謂饗餼之禮若然

委積是賓未至時在道所設聘禮云聘日致饗則饗餼

是朝日致之矣今在委積上者以饗餼是禮之大者故

先言之且委積非直賓來時共之賓去亦共之在下亦

其宜若然飧牢皆殺而云飧牽者以掌客云積視飧牽

據積而言之也注釋曰云牢禮之灋多少之差者案大

行人上公饗餼九牢饗禮九獻食禮九舉此等其侯伯

降二等以七為節

子男又降二等以五為節也又掌客

子

周禮注疏

欽定四庫全書

云上公飧五牢五積侯伯飧四牢四積子男飧三牢三積是其數也云及其時也者案聘禮云賓至大夫帥至于館即言宰夫朝服設飧又云聘日致饗即天子待諸侯亦然其委積者從來至去在道而設之竝是時也若然此等之禮竝是掌客所主今此復言之者此宰夫雖非正職以其主陳之當知其數故言之耳云三牲牛羊豕具為一牢者此依聘禮卿章弁歸饗餼於館之時有五牢飪一牢設於西階腥二牢設於東階牽二牢陳於門內之西北首以牛一羊一豕一稱牢此既以經牢禮為饗餼故還引聘禮順饗餼以證之也云委積謂牢米薪芻給賓客道用也者依掌客云積視飧牽飧有芻薪及米明委積在道所設亦有芻米薪蒸也且地官遺人云十里有廬廬有飲食三十里有宿宿有委五十里有市市有積是其委積給客道用也云膳獻禽羞俶獻也者此聘禮記文彼注云禽羞謂成熟有齊和者俶獻四時珍美新物也俶始也言其始可獻也聘義謂之時賜

是也云飲食燕饗也者鄭以燕饗解飲食既是飲入燕饗中不解經中食為食禮者經中言食則食禮自明今云飲食燕者欲見飲入燕禮可知饗中又兼燕與食以其饗有米有酒故也司農云殮夕食也者先鄭以殮字夕下為之即為夕食但客至即設不要待夕故後鄭不從也云春秋傳曰殮有陪弔者左氏昭五年楚薳啟疆曰宴有好貨殮有陪弔是也云春秋傳曰餼牽竭矣者左氏僖三十三年鄭皇武子辭秦客杞子等云唯是脯資餼牽竭矣是也玄謂殮客始至所致禮者此易先鄭案聘禮客始至大夫帥至于館宰夫朝服設殮不待至夕也云凡此禮陳數存可見者唯有行人掌客及聘禮公食大夫者以儀禮三十條內具有諸侯之禮俱亡滅者多今存可見者周禮之內有大行人掌客是待諸侯之禮儀禮之內有聘禮公食大夫是待聘客之灋皆有陳數考校

凡邦之弔事掌其戒令與其幣器財用凡所可知也

其者注弔事弔諸侯諸臣幣所用賻也器所致明器也
凡喪始死弔而含槨葬而賻贈其間加恩厚則有賻焉

春秋譏武氏子來求賻音義

賻音附賻乎仲反

疏釋

曰弔謂王使人弔諸侯

自弔諸臣湏從王行者并有贈喪之具百官當共故宰
夫總戒令之與其幣器財用凡所共者也注釋曰案大
宗伯云以喪禮哀死亡禮記檀弓曰君臨臣喪巫祝桃
菊執戈惡之也天子之禮弔諸臣之法春秋左氏王使
榮叔歸含且賻是有弔灋故云弔諸侯諸臣也云幣所
用賻也者案公羊傳口實曰含車馬曰賻衣服曰槨幣
不入含槨賻中故知是賻也云器所致明器也者案儀
禮既夕禮云若就器則坐奠于陳注云就猶善也贈無
常唯翫好則此贈與人亦是賓客就器而云明器者相
對言之則檀弓云竹不成用瓦不成味木不成斲琴瑟

張而不平之等是主人之明器賓客所致者謂之就器就成也謂善作之名為就器總而言之皆是神明死者之器故此就器亦名明器也云凡喪始死弔而含槨葬而賄贈其間加恩厚則有賄焉言此者欲見賄非正禮其賄乃是於死者恩厚乃加之故禮記云弔喪不能賄不問其所費是恩厚之義也云春秋譏武氏子來求賄賄者隱公三年公羊文案公羊云武氏子來求賄何以書譏何譏爾喪事無求求賄非禮何休云禮本為有財者制有則送之無則致哀而已不當求求則皇皇傷孝子心蓋通於下何休云云爾者嫌天子財多不當求下財少可求故明皆不當求鄭引此者見王於諸侯諸臣有歸賄爾諸侯諸臣亦不得求也顏路請子之車孔子不與亦是不合大喪小喪掌小官之戒令帥執事而治之求故抑之也

注大喪王后世子也小喪夫人以下小官士也其大官

則冢宰掌其戒令治謂共辨音義

辨簿疏釋曰其小官

宰夫戒令諸官有事者也注釋曰大宰云大喪贊贈王含玉宗伯云朝覲會同則為上相大喪亦如之鬱人壘人俱云大喪之涇典瑞云大喪共飯玉含玉彼皆據喪唯司寇云大喪前王以為嗣王皆不為后世子喪者彼皆不對小喪此大喪對小喪亦王所由服故注為王后世子也此不言庶子文不具云小官士也者宰夫下大夫所掌而言小官明是士可知云其大官則冢宰掌其戒令者冢宰不言者文不具云治謂共辨者謂當職合共者供

三公六卿之喪與職喪帥官有司而治之凡諸

大夫之喪使其旅帥有司而治之注旅冢宰下士疏

釋曰

三公六卿喪尊故宰夫與春官職喪帥其於喪家有事官有司而治之治之亦謂共辨之大夫之喪卑宰夫不

自為使在已之下其旅三十有二人帥有事於喪家之有司而治之治之亦謂共辦之也 歲終則令

羣吏正歲會月終則令正月要旬終則令正日成而以攷其治治不以時舉者以告而誅之注歲終自周季冬正猶定也旬十日也治不時舉者謂違時令失期會音

義

會

如

疏

釋

曰

言

周

之

歲

終

十

二

月

則

令

羣

吏

羣

吏

則

書

書

書

書

書

總句考之歲計曰會也月終則令正月要者謂每月終則令羣吏正其月要月要謂月計曰要也旬終謂每旬終則令羣吏正其日成日成謂日計曰成也云而以攷其治者言會要成總考之云治不以時舉者謂文書稽滯者故鄭云違時令失期會也云以告而誅之者謂告冢宰而誅責之也注釋曰知歲終是周之季冬者以其

正月之吉始和彼正月是周之正月始和布治于天下
至今歲終考之是一歲之終故知非夏之歲終也云正
猶定者以其文書定乃可攷之故為定也云旬十日也
者上文云前期十日小宰云旬有一日旬與十日正同
故知旬十日也 正歲則以灋警戒羣吏令脩宮中之職事注警

勅戒之言鄭司農云正歲之正月以灋戒勅羣吏音義

警京疏釋曰正歲乃夏之正月是其歲始故以灋書其
領反疏警戒羣吏令脩宮中之職事以謹勅之也

能者與其良者而以告于上注良猶善也上謂小宰大

宰也鄭司農云若今時舉孝廉賢良方正茂才異等疏

釋曰上云令脩宮中之職事則此謂宮中諸吏也正歲
之正月則豫選之擬至歲終當舉之也注釋曰知上是

小宰大宰者以其承上文歲始未是賞時且長自告于王知上非王是小宰大宰先鄭云若今舉孝廉者謂孝弟廉潔賢良即經中良者謂有賢行而良善也云方正者人雖無別行而有方幅正直者也云茂才者漢光武諱秀時號為茂才即經云能者也云異等者四科不同等級各異故云異等此經據宮中子弟先鄭所云不要宮中之人引之況義耳

宮正掌王宮之戒令糾禁注糾猶割也察也疏

注釋曰案下經

王宮中有官府故掌王宮之戒令之事有過失者已發則糾而割察之其未發則禁之也以時比宮

中之官府次舍之衆寡注時四時比校次其人在否

官府之在宮中者若膳夫玉府內宰內史之屬次諸吏

直宿若今部署諸廬者舍其所居寺音義

比徐芳履反一音毗志反

注下並同宿戚如疏釋曰以四時校比宮中見住在王字劉息就反下同宮中者之官府及宿衛者次舍之衆寡也注釋曰此時是尋常事故為四時解之案地官鄉師云以歲時巡國及野而賙萬民之難阨鄭彼注時隨其事之時不為四時解者彼據難阨非常故為隨其事之時不得為四時也云官府之在宮中者若膳夫王府等者以其言在宮中之官府是執掌重事美物及飲食乃得在王宮故知是此人等云次諸吏直宿若今時部署諸廬者此次謂若匠人云外有九室九卿治之即詩云適子之館兮鄭云卿士所之之館在天子之宮中如今部署諸廬彼二者與此次為一物此據宮中之官府下宮伯云授八次八舍鄭注衛王宮者彼據宮中官府子弟云舍其所居寺者寺為之版以待注鄭司農云即舍也是官府退息之處

為官府次舍之版圖也待待比也玄謂版其人之名籍

待待戒令及比疏

釋曰版謂宿衛人名籍謂宮正執籍校比之也注釋曰先鄭以版為官府

次舍之版圖者先鄭於八成注云版名籍圖地圖此注連言圖其版即名籍與後鄭義同後鄭以為人名籍者

增成先鄭義也

夕擊柝而比之注夕莫也莫行夜以比直宿者

為其有解惰離部署鄭司農云柝戒守者所擊也易曰

重門擊柝以待暴客春秋傳曰魯擊柝聞於邾音義

吐柝

各反莫音暮本亦作暮行下孟反為于偽反下注皆同解佳賣反惰徒臥反離力智反重直龍反聞音問又如

字疏

釋曰既得名籍至夕暮擊柝校比之恐其解惰也注釋曰後鄭云莫行夜以比直宿者謂直宿即坐

持更之人則行夜者擊柝校比直宿人故先鄭云柝戒
守者所擊也易曰者是易繫辭文彼又云蓋取諸豫鄭
玄注云豫坤下震上九四體震又互體有艮艮為門震
日所出亦為門重門象艮又為手巽爻也應在四皆木
也手持二木也手持二木以相敲是為擊柝擊柝為守
備警戒也四又互體為坎坎為盜五離爻為甲冑戈兵
盜謂持兵是暴客也又以其卦為豫有守備則不可自
逸是也云春秋傳曰者左氏哀七年秋魯伐邾茅成子
請告于吳不許曰魯擊柝聞於邾吳二十里國有故則
不三月不至何及於我引之證擊柝之義也令宿其比亦如之注鄭司農云故謂禍災令宿宿衛王
宮春秋傳曰忘守必危况有災乎玄謂故凡非常也文
王世子曰公有出疆之政庶子以公族之無事者守於

公宮正室守大廟諸父守貴宮貴室諸子諸孫守下宮

下室此謂諸侯也王之庶子職掌國子之倅國有大事

則帥國子而致於大子唯所用之者令宿之事蓋亦存

焉音義

守手又反又音手下文疏釋曰有故有災禍及同疆居良反倅七內反王時出行不在皆是

也云則令宿其比亦如之者亦如比夕擊柝已上之事
與平常同也注釋曰先鄭引春秋傳者左氏昭十八年
夏五月宋衛陳鄭災子產授兵登陴子大叔曰晉無乃
討乎子產曰小國忘守則危況有災乎彼為則先鄭云
必讀字不同也玄謂故凡非常也文王世子曰公有出
疆之政者謂出朝覲也云庶子以公族之無事者守於
公宮者此言與下為目庶子謂諸侯庶子之官掌卿大
夫士之適子并掌公家之事云正室守太廟者謂公族

之內適子名為正室使守太廟大廟尊故也云諸父守
貴宮貴室者謂同族諸為父行者貴宮貴室同為路寢
路寢對大廟生人之尊也云諸子諸孫者亦謂同族之
內諸為子行孫行者也云守下宮下室者下宮謂親廟
四下室謂燕寢也云此謂諸侯也者謂文王世子文是
諸侯灋也云王之庶子職掌國子之倅已下者是夏官
諸子職文云庶子者諸庶一也於諸侯即為庶子於天
子則為諸子今因諸侯言庶子其實夏官所云是諸子
職也彼鄭注倅謂副倅之倅國子謂諸侯卿大夫士之
子也云國有大事則帥國子而致於天子唯所用之者
彼云大事寇戎之事卿大夫士之子屬天子故唯大子
所使用也彼是甲兵不云宿衛故鄭云令宿之事蓋亦
存焉存焉者宿衛之事亦在唯所用中引之言欲見國
有故中有王出疆巡守征伐皆須令宿增成先鄭義也
辨外內而時禁注鄭司農云分別外人內人禁其非時

出入音義

別彼列反

疏

釋曰先鄭云分別外人內人禁其非時出入者謂住在王宮中有卿大夫

士等外人謂男子內人謂婦女皆是也此男女自相對為外人內人其內人非謂宰職所云內人是刑女在宮

中者

稽其功緒糾其德行注稽猶考也計也功吏職也

緒其志業音義

行下孟反

疏

釋曰緒業也宮正考計其宮中卿大夫士功狀及職業多少糾

察其在身為德施之為行二者也

幾其出入均其稍食注鄭司農云幾

其出入若今時宮中有罪禁止不得出亦不得入及無

引籍不得入宮司馬殿門也玄謂幾呵其衣服持操及

疏數者稍食祿稟音義

呵呼何反又音何操七曹反數音朔稟彼錦反疏注釋

鄭引今時者謂漢瀟言引籍者有門籍及引人皆得出入也又云司馬殿門者漢宮殿門每門皆使司馬一人守門比十石皆號司馬殿門也玄謂幾呵其衣服持操及疏數者案閤人云喪服凶器不入宮潛服賊器不入宮奇服怪民不入宮司門云幾出入不物者謂衣服視占不與衆同及所操物不如品式者職雖不同皆是守禁此經直云幾其出入明知無有此呵其衣服持操及疏數此增成司農義也云稍食祿稟者稍則稍稍與之則月俸是也則下士食九人中士倍下士上士倍中士大夫倍上士之類其祿與之米稟故云祿稟也

去

其淫怠與其奇衰之民注民宮中吏之家人也淫放濫

也怠懈慢也奇衰譎觚非常音義

去起呂反奇音羈徐去宜反衰似嗟反亦

作邪譎古穴反觚音孤

疏

注釋曰此一經竝是吏之民云淫放濫也怠懈慢也者為此惡行也云民宮中

吏之家人也者吏即宅在宮中卿大夫士其家人為此
惡行也者使之不為即是去也此民謂若秋官隸民之
類云奇衮誦觚非常者兵書有誦
觚之人謂誦詐桀出觚角非常也

會其什伍而教之道

藝注五人為伍二伍為什會之者使之輩作輩學相勸

帥且寄宿衛之令鄭司農云道謂先王所以教道民者

藝謂禮樂射御書數音義

徒會如字注同教道疏注釋曰

宮中卿大夫士亦兼掌子弟會謂會合其宮中子弟使之以五人為伍二伍為什必會合之者欲使之宿衛時語言相體服容相識是其輩作也及其學問又相親及切磋琢磨是其輩學總是相勸帥也云且寄宿衛之令者管子云因內政寄軍令在家時五家為比在軍還五人為伍之類此亦五人為伍二伍為什使之輩學似若

在家也因使之宿衛以寄軍令也先鄭云道謂先王所以教道民者謂若保氏云掌養國子以道而教之六藝道則師氏三德三行也藝謂禮樂射御書數亦保氏職文也月終則會其稍食歲終

則會其行事注行事吏職也疏

釋曰稍食謂宮中官府等月祿故至月終會計

之歲終則會計行事吏職當考知功過也

凡邦之大事令于王宮之官府次

舍無去守而聽政令注使居其處待所為疏

釋曰邦有大事謂國

之大事在祀與戎則令于王宮之官府次舍無去守謂使之皆在次舍不得去部所守而聽待政令須有所為

春秋以木鐸脩火禁注火星以春出以秋入因天時而

以戒疏

釋曰春謂季春秋謂季秋二時火星出入之時以木鐸警衆使脩火禁也注釋曰火星則心星

也公羊謂之大辰服注春秋云火出於夏為三月於商為四月於周為五月故云以春出也季秋昏時伏於戌火星入故云以秋入云因天時而以戒者此火謂陶冶鑄銅之火因天出火民則為之因天入火民則休之故云因天時戒之也此施火謂宮正於宮中特宜慎火故脩火禁夏官司燿云掌行火之政令四時變國火以救時疾下又云時則施火令為禁菰之時故脩火禁也秋官司烜云中春以木鐸脩火禁于國中注云為李春將出火也火禁謂用火之處及備風燥是二月凡邦之事預脩之三月重掌事各有所為不相妨也

蹕宮中廟中則執燭注鄭司農讀火絕之云禁凡邦之

事蹕國有事王當出則宮正主禁絕行者若今時衛士填街蹕也宮中廟中則執燭宮正主為王於宮中廟中

執燭玄謂事祭事也邦之祭杜稷七祀於宮中祭先公

先王於廟中隸僕掌蹕止行者宮正則執燭以為明春

秋傳曰有大事于大廟又曰有事于武宮音義

蹕音畢徐又音

痺讀戚如字徐音

疏

釋曰凡邦之事謂祭祀之事王當出入來往時隸僕與王蹕止行人

於宮中及廟中也王出向二處當寢晨而行爾時則宮正為王執燭為明也注釋曰先鄭讀火絕之則火字向上為句也其禁自與凡邦之事蹕共為一句宮正既不掌蹕事若如先鄭所讀則似宮正為王蹕非也云宮中廟中則執燭者若不以邦之事與此宮中為一事則宮中廟中何為事而遣宮正執燭乎亦非也又云若今時衛士填街蹕也者漢儀大駕行幸使衛士填塞街巷以止行人備非常也玄謂事祭事也者謂在宮中廟中二

處皆有祭事也云邦之祭社稷七祀於宮中者小宗伯云左宗廟右社稷在宮中中門之外也依祭灋王為羣姓立七祀曰司命曰中雷曰國行曰國門曰泰厲曰戶曰竈案司門云凡歲時之門受其餘則此七祀等是為羣姓所立者不在宮中也祭灋又云王自為立七祀者此則禱祀在宮中者也云春秋傳曰有大事于大廟者左氏文二年秋八月丁卯大事于大廟是也云又曰有事於武宮者昭十五年春二月癸酉有事於武宮鄭引此者欲見隸僕蹕于宮中亦得無廟中故公羊云魯公稱世室羣公稱宮則天子之廟亦有宮稱也大喪則授廬舍辨其親疏貴賤之居注廬倚廬也舍堊室也

親者貴者居倚廬疏者賤者居堊室雜記曰大夫居廬

士居堊室音義

倚於綺反疏

釋曰大喪謂王喪臣子皆為之斬衰則同廬舍所居則異也云

授廬舍者總諸臣而辨其親疏貴賤之居異也注釋曰廬倚廬也者謂於路門之外東壁倚木為廬云舍堊室也者舍對廬故為堊室堊室者兩下為之與廬異故名堊室也云親者貴者居倚廬者親謂大功以上貴謂大夫以上二者居倚廬云疏者賤者居堊室者疏謂小功總麻賤謂士二者居堊室知義如此者以經云辨其親疏貴賤明當如此解之又引雜記者彼是諸侯之臣其大夫居廬士居堊室彼注士居堊室亦謂邑宰也朝廷之士亦居廬引之者證貴者居廬賤者居堊室一邊之義耳其實彼諸侯禮不辨親疏貴賤而別其遠近竝為天子之臣也

宮伯掌王宮之士庶子凡在版者注鄭司農云庶子宿衛之官版名籍也以版為之今時鄉戶籍謂之戶版玄

謂王宮之士謂王宮中諸吏之適子也庶子其支庶也

音義

適丁歷反

疏

釋曰

宮伯掌王宮中卿大夫之適子庶子

士之適子也凡在版者子弟皆有名籍以擬校比也注釋曰鄭司農云庶子宿衛之官謂若夏官諸子職後鄭不從者彼諸子是下大夫此宮伯中士不合掌之故不從也玄謂王宮之士謂宮中諸吏之適子也者吏謂卿大夫士之總號云庶子其支庶也者以其宮正掌宮中官府宮伯掌其子弟故也案大司馬云王弔勞其士庶子文與此同鄭彼注云弔其死者勞其傷者庶子卿大夫之子從軍者彼士為卿大夫士庶子為卿大夫之子則無適庶與此不同者彼更無弔勞卿大夫士身故上為卿大夫庶子中無適庶

是鄭望文以為義故注與此不同也

掌其政令行其

秩敘作其徒役之事注秩祿稟也敘才等也作徒役之

事大子所用疏

釋曰宮伯既掌士庶子所以有政令盡掌之也行其秩敘者秩謂依班秩受祿

敘者以才藝高下為次第作其徒役者士庶子屬大子隨其所用使役之也

授八次八舍之

職事注衛王宮者必居四角四中於徽候便也鄭司農

云庶子衛王宮在內為次在外為舍玄謂次其宿衛所

在舍其休沐之處音義

徽古弔反疏注釋曰言衛王宮便婢面反疏者必居四角四中

者以其言八似若八方為四方四維然故以四角四中解之必於八所以為次舍者相徽察來往候望皆便故次舍皆八也司農云庶子衛王宮在內為次在外為舍者庶子義上已破訖先鄭意內次外舍有所隔絕故後鄭不從也玄謂次其宿衛所在者謂宿衛之處稍在前為之館也舍者若掌舍之舍亦舍息休止之處故鄭謂

休沐之處也

若邦有大事作宮衆則令之注謂王宮之士庶

子於邦有大事或選當行疏

釋曰事亦謂寇戎之事作起也謂起宮中之衆使士

庶子行則宮伯戒令之

月終則均秩歲終則均敘以時頒其衣裘

掌其誅賞注頒讀為班班布也衣裘若今賦冬夏衣音

義

頒音班

疏

釋曰月終則均其秩秩祿稟則與宮正均稍食亦一也歲終則均敘與宮正則異彼宮中

官府故會其行事此其子弟故均其敘敘即上注才等也以時頒其衣裘夏時班衣冬時班裘掌其誅賞者士庶子有功則賞之有罪即誅之也注

釋曰賦班也班之與賦皆賜授之義

周禮注疏卷三

周禮注疏卷三考證

小宰之職疏內掌蘭臺圖籍○掌監本訛堂今改正
以官府之六聯合邦治六曰斂弛之聯事○弛字石經
作弛

疏此經二曰喪荒○二字按經文當作三今改正

以官府之八成經邦治注稱責謂貸子○貸子監本作

貸子誤

臣照

按貸子亦可通但疏云舉責生子又云

謂貸而生子者則必子字也今改正

以灋掌祭祀朝覲會同賓客之戒具軍旅田役喪荒亦如之○此節疏文監本錯簡在下節今訂正

凡祭祀疏用鬱鬯者唯有宗廟及裸賓客耳○監本脫鬱字今依鬱人職文增正

宰夫之職疏王族故士虎士在路門之右○虎士監本訛作處功今据司士職文改正

敘羣吏之治疏鄭注云內後六宮外卿大夫也○後內豎職注作后

大喪小喪注治謂共辨○辨即辨字也漢以前未有辨字一字而兩用之周官儀禮注皆然

宮正國有故則令宿其比亦如之注諸父守貴宮貴室

○宮監本訛作公今据文王世子改正

辨外內而時禁疏此男女自相對為外人內人○女監

本訛作子今据上文內人謂婦女句改正

幾其出入注禁止不得出○得監本訛作能今改正

周禮注疏卷三考證

欽定四庫全書

周禮注疏卷四

漢鄭氏注 唐陸德明音義 賈公彥疏

膳夫掌王之食飲膳羞以養王及后世子注食飯也飲酒漿也膳牲肉也羞有滋味者凡養之具大略有四音

義

食音嗣注及下食用心食同飯扶萬反依字作飭

疏

釋曰云膳夫掌王之食飲者此一經以其職首

故略舉其目下別敘之云以養王及后世子者舉尊者而言其實羣臣及三夫人已下亦養之注釋曰云食飯也者即下文云食用六穀是也云飲酒漿也者即下文飲用六清是也下文不言酒文略也云膳牲肉也者即

欽定四庫全書

周禮注疏
卷四

一

下文云膳用六牲是也云羞有滋味者即下文云羞用百有二十品是也下文仍有珍用八物醬用百有二十

饗不言之者此舉大者珍醬是饋之小者略而不言故鄭云凡養之具大略有四是舉以為目也

凡王

之饋食用六穀膳用六牲飲用六清羞用百二十品珍用八物醬用百有二十饗注進物於尊者曰饋此饋之盛者王舉之饌也六牲馬牛羊豕犬雞也羞出於牲及禽獸以備滋味謂之庶羞公食大夫禮內則下大夫十六上大夫二十其物數備焉天子諸侯有其數而物未得盡聞珍謂淳熬淳毋炮豚炮牂擣珍漬熬肝膋也醬

謂醢醢也王舉則醢人共醢六十甕以五齏七醢七菹

三齏實之醢人共齏菹醢物六十甕鄭司農云羞進也

六穀稌黍稷粱麥苽苽雕胡也六清水漿醴醪醫醢音

義

甕徐劉音菹屋貢反醢仕眷反盡津忍反淳之純反下同熬五刀反毋莫胡反一音武由反炮步交反牂

作郎反擣丁老反臂了彫反齏作西反齏劉奴兮反徐耳齏反稌音杜徐他古反苽古吳反醪本又作涼力羊

反徐力放反醫於美反徐於疏注釋曰鄭云進物於尊計反醢以支反劉書支反者曰饋者據此文云王

之饋及少牢特牲皆云饋食是進物於尊者曰饋鄭注

王府云通行曰饋者彼對獻是進物於尊則饋是通行

也云此饋之盛者王舉之饌者下文云王日一舉鼎十

有二是王舉之饌也云六牲馬牛羊豕犬雞者此依爾

周禮注疏

卷四

二

雅釋畜亦是將用之曰牲也云羞出於牲及禽獸者釋
經羞用百有二十品此羞庶羞皆出於牲及禽獸案公
食大夫下大夫十六豆中從腳臙臙已下皆出於牲不
見有出禽獸者上大夫加以雉兔鶉鴛此則出禽獸也
以其有牲及禽獸故云備滋味謂之庶羞也引公食大
夫禮及內則二文俱言十六豆是下大夫禮內則云雉
兔鶉鴛四豆添前十六則二十是上大夫禮云其物備
數馬者此上下大夫禮其物備有馬云天子諸侯有其
數者此經云百有二十者是天子有其數掌客云上公
食四十侯伯三十二子男二十四是諸侯有其數也又
云而物未得盡聞者言未盡聞則少有聞所聞者謂天
子諸侯之數皆從上大夫二十豆上加之則二十豆聞
之矣內則云牛脩及爵鷄蜩范芝栒已下三十一物鄭
注云皆人君燕食所加庶羞也周禮天子羞用百有二
十品記者不能次錄亦是有其物未盡聞也云珍謂淳
熬已下皆內則文案內則淳熬煎醢加于陸稻上沃之

以膏曰淳熬淳母煎醢加於黍食上沃之以膏曰淳母
毋模也炮取豚若胖剗之剗之實棗於其腹中編萑以
苴之塗之以瑾塗炮之塗皆乾擘之濯手以摩之去其
皽為稻粉糝漚之以為酏以付豚煎諸膏膏必滅之鉅
鑊湯以小鼎薺脯於其中使其湯毋滅鼎三日三夜毋
絕火而後調之以醢醢擣珍取牛羊麋鹿麇之內必厭
每物與牛若一搯反側之去其餌熟出之去其皽柔其
肉漬取牛羊肉必新殺者薄切之必絕其理湛諸美酒
期朝而食之以醢若醢醢為熬捶之去其皽編萑布牛
內馬肩挂與薑以灑諸上而鹽之乾而食之施羊亦如
之肝膋取狗肝一攄之以其膋濡炙之舉燠其膋不芻
也是為八珍彼有糝與餉彼是羞豆之實非珍故不取
云醬謂醢醢也者醬是總名知醬中兼有醢醢者經云
百有二十醢醢人共醢六十醢醢人共醢物六十醢故
鄭注醢人兼引之其五醢七醢等就醢人具釋鄭司農
云六穀知有稌黍稷粱麥苽者據食醫而知云苽彫胡

也者南方見有菰米一名彫胡異方語
云六清水漿醴醑醬醢者漿人文也

王日一舉鼎十

有二物皆有俎注殺牲盛饌曰舉王日一舉以朝食也

后與王同庖鼎十有二牢鼎九陪鼎三物謂牢鼎之實

亦九俎音義

朝如字下奉朝同陪徐蒲來反

疏釋曰言王日一舉者謂

二者案禮記郊特牲鼎俎奇而籩豆偶者謂正鼎九陪
鼎三即是奇數總而言之即十二云物皆有俎者俎據
正鼎而鼎各一俎注釋曰殺牲盛饌曰舉知非舉樂者
以其言鼎十有二膳夫主飯食故知舉是殺牲盛饌云
王日一舉以朝食也者一日食有三時同食一舉案王
藻云皮弁以日視朝遂以食日中而餽餽者餽朝之餘
則遂以食之謂朝之食明知先朝食次乃日中而餽云
后與王同庖案王藻云夫人與君同庖鄭注云不特殺

明后亦與王同庖可知云鼎十有二牢鼎九陪鼎三者
案聘禮致饗餼注云飪一牢鼎十有二是也牢鼎九設
於西階前牛羊豕魚腊腸胃同鼎膚鮮魚鮮腊云陪鼎
三者當內兼腳臘肫並陪牛羊豕鼎後是也云物謂牢
鼎之實者言實即牛羊豕之類也云亦九俎者陪鼎三
腳臘肫者謂庶羞在於豆唯牢鼎之物各在俎故云亦
九俎案趙商問王日一舉鼎十有二是為三牲備焉商
案玉藻天子日食少牢朔月大牢禮數不同請聞其說
鄭答云禮記後人所集據時而言或以諸侯同天子或
以天子與諸侯等禮數不同難以據也王制之法與禮
違者多當以經為正若然此周禮周公太
平法王藻據衰世或是異代故與此不同以樂侑食膳
夫授祭品嘗食王乃食注侑猶勸也祭謂刲肺脊也禮
飲食必祭示有先也品者每物皆嘗之道尊者也音義

授祭品于云祭五行六陰之神與民起居疏釋曰上言

刊寸本反劉音忖沈寸沒反徐倉典反

王日一舉

此云以樂侑食即是王制云天子食日舉以樂案論語
微子云亞飯三飯四飯鄭云皆舉食之樂彼諸侯禮尚
有舉食之樂明天子日食有舉食之樂可知案大司樂
云王大食皆令奏鐘鼓彼大食自是朔食日舉之樂大
司樂或不令奏故不言之矣無妨日食自有舉食之樂
云膳夫授祭者謂王將食必祭先膳夫授之云品嘗食
者王藻云火孰者先君子鄭注云備火齊不得也故膳
夫品物皆嘗之王乃食也注釋曰殷祭肝周祭肺但祭
肺有二種一者名為舉肺亦名離肺此為食而有也二
者名為祭肺亦名刊肺此為祭而有也但舉肺離而不
絕祭肺則絕之今此膳夫授祭為食而授即舉肺也鄭
云祭謂刊肺脊也各以經直云祭不言舉又不言離直
云祭故鄭云祭謂刊肺也以優至尊故與祭祀同刊肺
也若然鄉飲酒鄉射無連言脊今兼言脊者依士虞特

牲皆言授肺脊故鄭依之而言云禮飲食必祭示有所
先者凡祭皆祭先造食者曲禮云散之序徧祭之今徒
言祭肺者略舉其首者也

卒食以樂徹于造注造作也鄭司農云造

謂食之故所居處也已食徹置故處疏

釋曰卒終也天子食終徹器之

時作樂以徹之但天子祭祀歌雍以徹徹食器之時樂
章未聞也注釋曰後鄭云造作也先鄭云徹置故處二
鄭義同皆謂造食之處即厨是也案內則云天子之閭
左達五右達五彼亦是置食處今此不徹於閭者但閭
內別置新饌案文王世子末有

王齊日三舉注鄭司農

原即此亦不重進故徹于造

云齊必變食疏

釋曰齊謂散齊致齊齊必變食故加牲
體至三大牢案玉藻云朔食加日食一

等則於此朔食當兩大牢不言之者文不具齊
時不樂故不言以樂侑食也齊必變食論語文

大喪則

不舉大荒則不舉大札則不舉天地有災則不舉邦有大故則不舉注大荒凶年大札疫癘也天災日月晦食地災崩動也大故寇戎之事鄭司農云大故刑殺也春

秋傳曰司寇行戮君為之不舉音義

札側八反徐音截杜注左傳天死曰

札音災疫音役疏釋曰臣子一皆為王喪啜粥故大癘音厲為于偽反喪不舉也大荒則不舉已下皆為自貶損注釋曰言大荒凶年者則曲禮云歲凶年穀不登君膳不祭肺是也云大札疫癘也者即春秋天昏札癘民有疫癘為之不舉自貶也云天災日月晦食者月食在望日食在晦朔今總云日月晦食者案春秋唯書日食故以是不言月之望食日食由月故連言月也云地災崩動也者左氏書地震及梁山崩是也云大故寇

戎之事者據此經唯言大喪大荒大札天地有裁故知大故是寇戎先鄭云大故刑殺引之在下者欲見大故中含有刑殺之事春秋傳曰司寇行刑者案莊公二十一年王子頽享五大夫樂及徧舞又云王子頽歌舞不倦是樂禍也大司寇行戮君為之不舉不舉者謂不舉樂此經數事不舉司農意亦謂不舉樂故引以為證但此膳夫云不舉在食科之中不舉即是不殺牲王燕食則引司農義在下者不舉之中含有不舉樂

奉膳贊祭注燕食謂日中與夕食奉膳奉朝之餘膳所

祭者牢肉疏

釋曰案上王日一舉鄭云謂朝食則此云燕食者謂日中與夕相接為三時云奉膳

者奉朝之餘膳云贊祭者助王祭牢肉注釋曰案王藻天子與諸侯相互為三時食故燕食以為日中與夕云奉膳奉朝之餘膳者則一牢分為三時故奉朝之餘餽也云所祭者牢肉者案王藻諸侯云夕深衣祭牢肉鄭

注云天子言日中諸侯言夕天子言餽諸侯言祭牢肉互相挾則天子諸侯朝皆祭肺日中與夕皆祭牢肉故言所祭者
牢肉也
凡王祭祀賓客食則徹王之胾俎注膳夫親

徹胾俎胾俎最尊也其餘則其屬徹之賓客食而王有

胾俎王與賓客禮食主人飲食之俎皆為胾俎見於此

矣音義

見賢遍反下
文及注同

疏

釋曰云凡王祭祀謂祭宗廟有
胾俎者謂若特牲少牢主人受

尸酢尸東西面設主人俎於席前王受尸酢禮亦當然
賓客食謂王與賓客禮食於廟賓在戶牖之間王在阼
階上各有饌皆設俎故亦有胾俎此二者皆各胾俎膳
夫徹之故云則徹王胾俎也注釋曰云膳夫親徹胾俎
胾俎最尊也者以其胾者酢也王與尸賓相答酢故遣
膳夫親徹云其餘則其屬徹之者以其經膳夫徹王之

胙俎明非王胙俎則其屬徹之可知膳夫是上士則其屬中士已下是也云賓客食而王有胙俎王與賓客禮食者以其賓客與祭祀同科故知是禮食非是凡平燕食案公食大夫主君與聘大夫禮食賓前有食君前無食退俟於廟今此天子與諸侯禮食王前有食俎者天子於諸侯其禮異於諸侯與聘大夫故王前有俎云主人飲食之俎皆為胙俎見於此矣者案特牲少牢主人之俎雖為胙俎直是祭祀不兼賓客此則祭祀賓客俱有故云主人飲食之俎皆為胙俎見於此飲據祭祀食據賓客故雙言之也

凡王之稍事設

薦脯醢注鄭司農云稍事為非日中大舉時而間食謂

之稍事膳夫主設薦脯醢玄謂稍事有小事而飲酒音

義

問劉古覓反戚如字

疏

釋曰案下經燕飲酒謂大事與臣飲酒則此云王之稍事是王小事而飲酒故

空設薦脯醢若大飲與食則有牲體注釋曰先鄭云稍事謂非日中大舉時而間食謂之稍事膳夫主設薦脯醢者先鄭意旦起日中食牲牢日中後空食脯醢後鄭不從者王藻諸侯猶云夕深衣祭牢肉則天子夕食牢肉可知又脯醢者是飲酒肴羞非是食饌若大夫以下燕食有脯無膾設脯無嫌若王之日食不得空薦脯醢故以為小事飲酒
王燕飲酒則為獻主注鄭司農云主人當獻

賓則膳夫代王為主君不敵臣也燕義曰使宰夫為獻

主臣莫敢與君亢禮疏

釋曰謂王與臣以禮燕飲則膳夫為獻主案儀禮使宰夫為主

人此天子使膳夫為獻主皆是飲食之官代君酌臣注釋曰言當獻賓則膳夫代王為主此約燕禮而知案燕禮主人酌酒獻賓賓酢主人主人酌酒獻君君酢主人主人酬賓以後為賓舉旅又引燕義臣莫敢與君亢禮

者飲酒之禮使大夫為賓遣宰夫為主人獻酢相亢
答若君為主人則是臣與君相亢故云臣莫敢亢禮

后及世子之膳羞注亦主其饌之數不饋之耳疏

釋曰上云

王日一舉注后與王同庖不言世子則世子與王別牲
亦膳夫所掌故云掌后及世子之膳羞注釋曰案上文
凡王之饋食用六穀已下言饋則膳夫親饋之故云品
嘗食案內饗共后及世子之膳羞則是后世子內饗饋
之故鄭云亦主其饌之數不饋之耳凡肉脩之頒賜皆掌之注鄭司農云

脩脯也疏

釋曰謂王以肉及脩脯頒賜羣臣則膳夫皆掌之注釋曰言脩脯也者謂加薑桂鍛治者

謂之脩不加薑桂以鹽乾之者謂之脯則脩脯異矣先鄭云脩脯者散文言之脩脯通也凡祭祀之

致福者受而膳之注致福謂諸臣祭祀進其餘肉歸胙

于王鄭司農云膳夫受之以給王膳疏

釋曰云凡祭祀者言凡則諸臣

自祭家廟祭訖致胙肉於王謂之致福膳夫受之以為王膳故云受而膳之注釋曰云致福者謂諸臣祭祀進其餘肉歸胙於王者案禮記少儀云膳於君子曰膳案王藻膳於君葷桃菊彼謂諸侯之臣禮此王之臣亦應云致膳而云致福者凡祭祀主人受福若與王受福然故云致福知諸臣有致胙法者案春秋左氏昭十六年子產云祭有受脰歸脰彼注云受脰謂君祭以肉賜大夫歸脰謂大夫祭歸肉於公也今彼雖據諸侯禮王之臣致胙亦然故

以摯見者亦如之注鄭司農云以羔鴈

雉為摯見者亦受以給王膳疏

釋曰謂卿大夫以下新仕為臣者卿執羔大夫

執鴈士執雉來見王故云以摯見者言亦如之者先鄭云亦受以給王膳也

歲終則會唯王

及后世子之膳不會注不會計多少優尊者其頒賜諸

臣則計之疏

釋曰此膳夫所掌膳羞是其正故世子亦不會至下庖人王及后不會則世子會之

彼禽獻是其加故會之注釋曰依宰夫職會是歲計故云不會計多少云優尊者謂若計則似限尊者有少若不計則任所用故云不會是優尊者也云其頒賜諸臣則計之者經云王及后世子不會則上經肉脩之頒賜諸臣則計之可知

庖人掌共六畜六獸六禽辨其名物注六畜六牲也始

養之曰畜將用之曰牲春秋傳曰卜日曰牲鄭司農云

六獸麋鹿熊麋野豕兔六禽鴈鶉鷄雉鳩鵠玄謂獸人

冬獻狼夏獻麋又內則無熊則六獸當有狼而熊不屬

六禽於禽獻及六摯宜為羔豚犢麋雉鴈凡鳥獸未孕

曰禽司馬職曰大獸公之小禽私之音義

畜許六反注同六獸司農

云麋鹿熊麇野豕兔鄭云有狼無熊干注麇作麋熊作
羆六禽鄭云羔豚犢麋雉鴈也司農及干鴈鷄雉鳩鵠
鷄麇本又作麋亦作麇居倫反麋也鷄音純鷄於
諫反鵠古合反麇音迷鹿子孕以證反一音乘

疏釋曰

云掌共六畜者馬牛羊犬豕雞謂夏官校人地官牛人
春官雞人秋官犬人冬官豕人總送六畜與此庖人六
獸六禽即下獸人送之此庖人得此六畜六獸六禽共
與膳夫內外饗故云掌共六畜六獸六禽此禽獸等皆
有名號物色故云辨其名物注釋曰云六畜六牲也者
謂雖此云六畜即是膳夫六牲一也所以彼言牲此言

畜者鄭即解其不同之意始養之曰畜將用之曰牲膳夫共王之膳羞即是將用之故言牲云春秋傳曰者此是左氏傳公三十一年傳辭彼經云四卜郊不從乃免牲未卜日曰牛卜得吉日乃號為牲僖公既卜得吉日名牛作牲乃更卜可郊與否不從乃免牲是其怠慢引之者證將用曰牲鄭司農云六獸麋鹿熊麋野豕兔六禽鴈鶉鷃雉鳩鵠者此先鄭意取爾雅文四足而毛謂之獸兩足而羽謂之禽故為此解玄謂獸人冬獻狼又內則為餼食有狼膾膏故云當有狼而熊不屬此破司農有熊無狼云六禽於禽獻及六摯宜為羔豚犢麋雉鴈者下文禽獸之內取羔豚犢麋大宗伯六摯之內亦取羔及雉鴈破司農六禽之內有鶉鷃鳩鵠四者於經無所據司農雉鴈即六摯雉鴈同故從之不破云凡鳥獸未孕曰禽鄭言此者見爾雅四足而毛曰獸兩足而羽曰禽是對文例若散文則通其獸未孕時雖曰四足亦曰禽是以名為禽獻其中亦有羔豚犢麋又云以禽

作六擊禽中亦有羔是其未孕者也謂若爾雅飛曰雄
雌走曰北牡亦是對文案詩云雄狐綏綏走亦曰雄尚
書云北雞無晨飛亦曰北並是散文通義云司馬職曰
大獸公之小禽私之者欲見雖曰四足而毛未孕亦曰
禽此並破司農禽中不得有四足之義
凡其死生蠱薨之物以共王之膳

與其薦羞之物及后世子之膳羞注凡計數之薦亦進
也備品物曰薦致滋味乃為羞王言薦者味以不褻為

尊鄭司農云鮮謂生肉薨謂乾肉音義

蠱悉然反薨古老反數色柱反

下校數同疏釋曰云凡其死生蠱薨之物者此四者或
褻息列反死或生新殺為蠱乾者為薨並獸人以與
膳夫內外饗以共王之膳云與其薦羞之物者薦進也
謂羞之所進即備品物曰薦亦進於王耳及后世子之

膳羞者此共后世子之羞故不言薦而言膳是致滋味者也注釋曰云凡計數之者上經云治要治凡並是計算之稱此凡亦是計數之名死生蠱薨須知其數故言凡總計之云備品物曰薦者以經羞言薦對后世子羞言膳故云備品物曰薦致滋味乃為羞以其不言薦即是致滋味之羞若然備品物者謂王舉則共醢六十饗以五醢七醢七菹三醢實之醢人共醢菹醢六十饗是其備品物及三牲之俎皆是也致滋味乃為羞者羞百有二十品鄭云羞出於牲及禽獸以備滋味謂之庶羞故公食云宰夫自東房薦豆六又云士羞庶羞云王言薦者味以不褻為尊者對后世子不言薦是其褻味者也

共祭祀之好羞注謂四時

所為膳食若荊州之鰾魚青州之蟹胥雖非常物進之

孝也音義

好呼報反鰾側雅反蟹戶買反胥息徐反劉音素字林先於反蟹蟹也

疏

釋曰尋常

所共者並在內外饗今言好羞則是非常之物謂美魚之屬也注釋曰云四時所為膳食者謂四時之間非常美食云若荊州之鰾魚青州之蟹胥者鄭見當時有之又見禮記禮器云大饗其王事與三牲魚腊四海九州之美味苟可薦者莫不咸在且禹貢徐州貢鱣珠暨魚荊州無魚文是文不備是知好羞皆是魚也

共喪

紀之庶羞賓客之禽獻注喪紀喪事之祭謂虞祔也禽

獻獻禽於賓客獻古文為獸杜子春云當為獻疏

凡釋曰

未葬已前無問朝夕奠及大奠皆為薦羞之法今言共喪紀庶羞者謂虞祔之祭乃有之云賓客之禽獻者謂若掌客上公乘禽日九十雙侯伯七十雙子男五十雙之類是也注釋曰云喪紀喪事之祭謂虞祔也者天子九虞後作卒哭祭虞卒哭在寢明日祔於祖廟今直云虞祔不言卒哭者舉前後虞祔則卒哭在其中共庶羞

可知云獻古文為獸杜子春云當為獻者但賓客之禽由主人獻之若直言賓客禽獸於義無取也

凡令

禽獻以灋授之其出入亦如之注令令獸人也禽獸不

可久處賓客至將獻之庖人乃令獸人取之必書所當

獻之數與之及其來致禽亦以此書校數之至於獻賓

客又以此書付使者展而行之掌客乘禽於諸侯各如

其命之數聘禮乘禽於客日如其饗餼之數士中日則

二雙音義

令力呈反使所吏反乘繩證反下同

疏

釋曰凡朝聘賓客至並致館與之賓客既在館

此庖人乃書所共禽獻之數令於獸人以數授之故云凡令禽獻以法授之也云其出入亦如之者既以數授

獸人依數以禽入庖人是入也庖人得此禽還依數付使者送向館是出也亦如之者亦依法授之故云其出入亦如之若然入先出後不言入出而言出入者便文也注釋曰知令獸人者案獸人云凡祭祀喪紀賓客共其死獸生獸故知令獸人云禽獸不可久處以下至與之以上解經令禽以法授之云及其來致禽亦以此書技數之解經入亦如之云至於獻賓客又以此付使者展而行之解經出亦如之言展而行之者展猶省視也行去也謂將向客館之時省視禽牲然後去云掌客乘禽於諸侯各如其命之數者謂上公九命日九十雙之等又引聘禮乘禽於客日如其饗餼之數者言此臣禮不依命數公侯伯之卿三命子男之卿再命皆以爵卿也饗餼五牢日五雙故言日如其饗餼之數云士中日則二雙者謂作介時士爵一日則一雙禽獻不以命數中間也故言間日則二雙言此者釋經以法授之法則數也

凡用禽獻春行羔豚膳

膏香夏行脍鱠膳膏臊秋行犢麋膳膏腥冬行鱣羽膳
膏羶注用禽獻謂煎和之以獻王鄭司農云膏香牛脂
也以牛脂和之脍乾雉鱠乾魚膏臊豕膏也以豕膏和
之杜子春云膏臊犬膏膏腥豕膏也鮮魚也羽鴈也膏
羶羊脂也玄謂膏腥雞膏也羔豚物生而肥犢與麋物
成而充脍鱠膜熟而乾魚鴈水涸而性定此八物者得
四時之氣尤盛為人食之弗勝是以用休廢之脂膏煎
和膳之牛屬司徒土也雞屬宗伯木也犬屬司寇金也

羊屬司馬火也音義

膏香禮記作薌音同牀其居反鱗所留反臊素刀反杜云犬膏也司

農及干云豕膏也腥音星杜云豕膏鄭干云雞膏也或作雉膏蠱羽鄭云鮮魚也羽鴈也杜云鮮羽鴈也豷書

然反羊脂也和胡卧反下文同牖呼旱反疏釋曰言凡劉呼旦反涸胡洛反徐户格反為于偽反用禽獻者

四者不同故言凡也煎和謂之用故云凡用禽獻也云春行羔豚膳膏香者言行者義與用同春用羔豚者草

物始生羔豚食而肥膳膏香者謂牛膏春木王火相土死羔豚為其太盛牛屬中央土故以死之脂膏殺其氣

夏行牀鱠膳膏臊者牀謂乾雉鱣謂乾魚膏臊犬膏牀鱣夏之牖熟而乾故食之為其大盛夏時金死犬屬西

方金故用死之脂膏煎和之云秋行犢麋膳膏腥者秋時草物有實犢麋食之而肥故秋用犢麋膏腥謂雞膏

雞屬東方木時木死故用死之脂膏煎和之云冬行蠱羽膳膏豷者鮮謂魚羽謂鴈冬魚之性定鴈又新來故

用食之膏臙謂羊膏羊屬南方火冬時火死魚鴈食之太盛故用死之脂膏煎和之五行不言北方豕之脂膏者以其中央土王分於四時土賊水但無中央食法故不言豕之脂膏也注釋曰云用禽獻謂煎和以獻王者殺牲謂之用煎和謂之膳用膳相將之言故以煎和解用上言賓客之禽獻此用禽以王為主故言獻王鄭司農云膏香牛脂也者案內則鄭注釋者曰膏凝者曰脂彼是相對之義通而言之脂膏一也故司農以脂解膏云脂乾雉者以士相見云冬用雉夏用脂故知脂乾雉也云鱠乾魚者籩人職云魚鱠此鱠脂同是夏用之脂既是乾雉明鱠是乾魚云膏臊豕膏也者經云夏行脂鱠膳膏臊此經四時所膳者皆取所賊死之脂膏火賊金即膏臊犬膏也不得云北方豕膏又杜子春云膏臊犬膏者於義是也云膏腥豕膏也者於義非也以其秋行犢麋秋時金王金剋木雞屬東方木則膏腥雞膏也不得為豕膏云鮮魚也羽鴈也者尚書益稷云予決九

欽定四庫全書

卷四

川距四海濬賦滄距川暨稷播奏庶艱食鮮食鮮出於
川故知鮮魚也又此鮮對羽故知鮮是魚知羽是鴈者
以其禽摯中有雉鴈此禽獻中已有雉雉明亦有鴈
故以羽為鴈也玄謂膏腥雞膏也者破子春豕膏云魚
鴈水涸而性定者依周語云天根見而水涸鄭注月令
云天根見九月末是水涸在九月末十月初云是以用
休廢之脂膏者五行王相相剋春木王火相土死金囚
水為休廢夏火王土相金死水囚木為休廢以下推之
可知王所勝者死相所勝者囚新謝者為休廢若然向
來所膳膏者皆是死之脂膏鄭云休廢者相對死與休
廢別散則死亦為休廢故鄭以休廢言之也云牛屬司
徒土也者鄭於司徒注云牛能任載地之類故屬土云
雞屬宗伯木也者雞為貌雞又知時象春故屬木云犬
屬司寇金也者金為言犬亦言屬金云羊屬司馬火也
者火為視羊
亦視故屬火
歲終則會唯王及后之膳禽不會注膳禽

四時所膳禽獻加世子可以會之疏

注釋曰上膳夫職所掌者是其正此

禽獻者是其加世子可以會故歲終則唯王及后之膳不會世子則會之矣

內饗掌王及后世子膳羞之割亨煎和之事辨體名肉

物辨百品味之物注割肆解肉也亨煮也煎和齊以五

味體名脊脅肩臂臠之屬肉物載燔之屬百品味庶羞

之屬言百舉成數音義

亨普更反注及下同肆託歷反齊才細反載側吏反臠音燔本

亦作疏

注釋曰知割肆解肉者謂士虞禮云四肆去蹄此明割是肆解肉云煎和齊以五味者凡言和

者皆用酸苦辛鹹甘云體名脊脅肩臂臠之屬者案少牢解羊豕前體肩臂臠後體膊骼又有正脊脰脊橫脊

又有短脅正脅代脅是其體十一體云肉物載燔之屬者案公食大夫禮十六豆有載載謂切肉又案少牢主婦獻尸以燔從傳火曰燔云百品味庶羞之屬者案膳夫職庶羞百二十品今言百故鄭云舉成數

王舉

則陳其鼎俎以牲體實之注取於鑊以實鼎取於鼎以

實俎實鼎曰胥實俎曰載音義

胥職升反

疏

釋曰言陳其鼎俎者陳鼎有二

處初陳鼎於鑊西後陳鼎於阼階下其俎皆陳於鼎西南云以牲體實之者其牲體入鑊時已解訖今言實者有兩處一者取於鑊實於鼎據在鑊所二者取於鼎實於俎注釋曰實鼎曰胥者胥升也案少牢司馬升羊實於一鼎是實鼎曰胥案特牲云卒載加匕於鼎是其實俎曰載案少牢云升羊載右胖升豕其載如羊又有司微亦云乃升鄭云升牲體於俎若然實選百羞醬物珍鼎唯有升名無載稱若實俎升載兩有

物以俟饋注先進食之時恒選擇其中御者疏

釋曰百羞者則

庶羞百二十醬物者即醬用百二十饔珍物者諸八珍之類俟待也內饗恒預選知當王意所欲者以待饋王

共后及世子之膳羞注膳夫掌之是乃共之疏

釋曰后世子直

言共不言饋者膳夫饋王不饋后世子此內辨腥臊羶

香之不可食者牛夜鳴則廋羊泠毛而毳羶犬赤股而

躁臊鳥鵠色而沙鳴狸豕盲眊而交睫腥馬黑脊而般

臂螻注腥臊羶香可食者是別其不可食者則所謂者

皆臭味也泠毛毛長總結也鵠失色不澤美也沙漸也

交睫腥腥當為星聲之誤也肉有如米者似星般臂臂

毛有文鄭司農云廕朽木臭也螻螻蛄臭也杜子春云

盲眊當為望視音義

廕音由徐餘柳反干云病也冷音零徐郎年反躁早到反瞻本又作

瘡芳表反又符表反又芳老反徐又孚趙反沙如字一

音所嫁反或黠他反狸音鬱徐於弗反盲亡亮反眊視

二反又音視 螻音接一音將業反般音班臂如字徐本

作辟音方紙反螻音樓如螻蛄蟲臭也干音漏內病也

此依禮記文別彼列

疏

釋曰言辨腥臊者依庖人職注

反漸音西蛄音姑 腥謂雞也臊謂犬也羶謂羊也

香謂牛也以腥臊羶香表見云牛羊犬雞也言不可食

者牛夜鳴則廕者其牛無事夜鳴其肉必廕廕惡臭也

云羊冷毛而羶羶者冷毛謂毛長也而羶謂毛別聚結

者此羊肉必羶也云犬赤股而躁躁者言赤股者股裏

無毛謂之赤股非謂肉赤謂若禮記檀弓流失在白肉
非謂肉白而走又躁疾犬有如此者其肉必臊故云而
躁臊云鳥臙色而沙鳴狸者臙失色也沙漸也鳥毛失
色而鳴又漸其肉氣必鬱鬱謂腐臭云豕盲眈而交睫
腥者豕乃聽物不合望眈此豕眼眈毛交故云豕望眈
而交睫豕有如此其肉必如星腥當為星其肉如米然
驗當時有如此者也云馬黑脊而般臂螻者謂馬脊黑
前脰般般然其馬如此其肉螻蛄臭此一經皆是不利
人故禁之也注釋曰云腥臊羶香可食者即上庖人職
所云是也云是別不可食者即此是也則所謂者皆臭
味也者言所謂者所謂論語鄉黨色惡不食臭惡不食
云交睫腥腥當為星聲之誤也者此經腥有二字鄭不
破腥臊之腥直破交睫腥之腥故連取交睫以解云般
臂臂毛有文者鄭答冷剛童牛之牯牛在手曰牯牛無
手以前足當之此馬亦然故言般臂鄭司農云廂朽木
臭也者驗今朽木其氣實臭故云朽木臭也案內則注

引左氏春秋一薰一蕕此司農以其朽木臭即與一薰一蕕同故鄭不引之云螻蛄臭也者以內則螻蛄為漏脫字於義無所取故轉為螻蛄字螻蛄則有臭杜子春盲眊當為望視者以其盲則無所覩見不得視內則為遙望之字故子春從內則為正也

凡宗廟之祭祀掌割亨之事凡燕飲

食亦如之凡掌共羞脩刑臠胖骨鱠以待共膳注掌共

共當為具羞庶羞也脩鍛脯也胖如脯而腥者鄭司農

云刑臠謂夾脊肉或曰膾肉也骨鱠謂骨有肉者玄謂

刑銅羹也臠腍肉大臠所以祭者骨牲體也鱠乾魚音

義

共羞共依注音具膾火吳反徐凶武反胖普半反疏鍛丁亂反銅音刑腍直軌反又之涉反臠力轉反

釋曰內饗不掌外神故云宗廟之祭祀言凡者謂四時
及禘祫并月祭等皆在其中掌其割亨之事上王后言
煎和此不言煎和者鬼神尚質不貴裘味故不言煎和
云燕飲食亦如之者謂王及后世子自燕飲食皆須割
亨故云亦如之注釋曰云掌共共當為具者據經共字
有二以待共膳不破掌共共字則破之矣故云掌共共
當為具言具者具羞脩刑臠已下云羞庶羞也者庶羞
則百二十品是也云脩鍛脯也者謂加薑桂鍛治之若
不加薑桂不鍛治者直謂之脯云胖如脯而腥者乾則
為脯不乾而腥則謂之胖鄭司農云刑臠謂夾脊肉者
刑臠為二物有明文先鄭以為刑臠夾脊肉故後鄭不
從云或曰膾肉也者無所出後鄭亦不從云骨鱠謂骨
有肉者骨自是牲體鱠自是乾魚先鄭合為一故後鄭
亦不從云謂刑銅羹也者案特牲有銅羹謂銅器盛豕
臠設於薦南故名銅羹云臠腍肉大臠所以祭者臠魚
肉總有也公食大夫禮云庶羞皆有大謂大臠據肉而

言案有司徹云主人亦一魚加膾祭于其上此據魚而言也膾又詁為大故云膾腍肉大臠所以祭者也云骨牲體也者謂若體解二十一雖據骨而言皆擬所食故云骨有肉云鱠乾魚者前云夏行脍鱠與彼同故為乾魚

凡王之好賜肉脩則饗人共之注好賜王所善而賜

也音義

好呼報反注同

疏

釋曰言好賜者謂羣臣王所愛好則賜之內脩饗人共之

外饗掌外祭祀之割亨共其脯脩刑膾陳其鼎俎實之牲體魚腊凡賓客之飡饗饗食之事亦如之注飡客始

至之禮饗既將幣之禮致禮於客莫盛於饗音義

嗣食音

疏

釋曰云掌外祭祀之割亨者謂天地四望山川社稷五祀外神皆掌其割亨云共其脯脩刑膾者如上釋

云陳其鼎俎實之牲體魚腊者謂若鼎十有二者也云
凡賓客之飧饗饗食之事亦如之者謂所陳之數如宰
夫職所云者也皆以外饗共之故言亦如之注釋曰言
飧客始至之禮者宰夫職已釋訖云饗既將幣之禮者
案聘禮記云聘日致饗鄭注云急歸大禮鄭云將幣者
即是聘享也若諸侯來朝亦朝日致之也云致禮於賓
客莫盛於饗者以其饗之中有飪有脰有牽又有酒有
米兼燕與食其中芻薪米禾又多故朝聘之日致之是
以鄭云急歸大禮故云莫盛於饗也

邦饗耆老孤子則掌其割烹之事饗

士庶子亦如之注孤子者死王事者之子也士庶子衛

王宮者若今時之饗衛士矣王制曰周人養國老於東

膠養庶老於虞庠疏

釋曰云邦饗耆老者謂死事者之
父祖兼有國老庶老云孤子者謂

死王事者之子云饗士庶子者謂若宮伯注云士謂王
宮中諸吏之適子也庶子其支庶也云饗者即鄭云士
庶子衛王宮者若今時之饗衛士矣是也注釋曰死事
者之子謂若左氏哀公二十三年晉知伯親禽顏庚至
二十七齊師將興陳成子屬孤子三日朝設乘車兩
馬繫五邑焉召顏庚之子而賜之是其禮孤子之法云
王制曰周人養國老於東膠養庶老於虞庠者周立大
學王宮之東膠膠之言糾也所以糾察王事周立小學
於西郊為有虞氏之庠制故曰虞庠國老謂卿大夫致
仕者庶老謂士之致仕者經直言耆老對孤子則耆老
者死事者之父祖可知但此不見饗國師役則掌其
老庶老之文故鄭解耆老謂國老庶老

獻賜脯肉之事注獻謂酌其長帥音義

帥色類反

疏

釋曰云師役者

謂出師征伐及巡狩田獵掌共其獻者謂獻其將帥并
賜酒肉之事並掌之注釋曰以經獻謂獻酒非獻肉故

鄭謂酌其長帥長帥軍將已下至五長有功者饗獻之

凡小喪紀陳其鼎俎而實

之注謂喪事之奠祭疏

釋曰言小喪紀者謂夫人已下之喪云陳其鼎俎者謂其殷奠

及虞祔之祭皆有鼎俎故鄭云喪事之奠祭也

亨人掌共鼎鑊以給水火之齊注鑊所以煮肉及魚腊

之器既孰乃胥于鼎齊多少之量音義

齊才細反注同疏注釋曰云

鑊所以煮肉及魚腊之器者案少牢饗在廟門外之東大夫五鼎羊豕腸胃魚腊各異鑊鑊別有一鼎鑊中肉孰各升一鼎故鄭云既孰乃胥于鼎云齊多少之量者此釋經給水火之齊謂實水於鑊及饗之以火皆有多少之職外內饗之饗亨者辨膳羞之物注職主也饗今

之竈主於其竈煮物音義

竈七亂反

疏

釋曰亨人主內外饗

膳羞之物者膳羞則牛鼎之物是也注釋曰云饗今之竈者周禮儀禮皆言饗論語王孫賈云寧媚於竈禮記祭法天子七祀之中亦言竈若然自孔子已後皆言竈故鄭云饗今之竈

祭祀共大羹鉶羹

賓客亦如之注大羹肉湑鄭司農云大羹不致五味也

鉶羹加鹽菜矣音義

羹音庚又音衡下同湑去及反

疏

釋曰云祭祀共大羹者大羹肉

湑盛於登謂大古之羹不調以鹽菜及五味也鉶中煮肉汁一名湑故鄭云大羹肉湑云鉶羹者皆是陪鼎臠臠牛用藿羊用苦豕用薇調以五味盛之於鉶器即謂之鉶羹若盛之於豆即謂之庶羞即公食大夫十六豆臠臠等也云賓客亦如之者謂若致饗餼及飧禮皆有陪鼎則鉶羹也饗食亦應有大羹故云賓客亦如

之

甸師掌帥其屬而耕耨王藉以時入之以共齎盛注其

屬府史胥徒也耨芸芋也王以孟春躬耕帝藉天子三

推三公五推卿諸侯九推庶人終於千畝庶人謂徒三

百人藉之言借也王一耕之而使庶人芸芋終之齎盛

祭祀所用穀也粢稷也穀者稷為長是以名云在器曰

盛音義

耨乃豆反齎音資芸音云徐音運本或作疏釋

疏

曰

言掌帥其屬者謂除府史有胥三十人徒三百人而耕
種耘耨於王之藉田言以時入之者謂麥則夏孰禾黍

秋孰則十月穫之送入地官神倉故云以時入之云以共齎盛者六穀曰稌在器曰盛以共祭祀故云以共稌盛注釋曰云其屬府史胥徒也者敘官知之云藉芸茅也者詩云或芸或茅芸蒔茅擁本足也云王以孟春至諸侯九推並是月令文言躬耕帝藉者天子親耕三推是也言帝藉者藉田之穀衆神皆用獨言帝藉者舉尊言之云天子三推者三推而一發云三公五推者五推而三發卿諸侯九推者九推而五發故周語云王耕一壝班三之云庶人終於千畝亦周語文天子藉田千畝在南郊自天子三推已下示有恭敬鬼神之法又示帥先天下故暫時耕終之者庶人也鄭解周語庶人者謂此序官徒三百人也云稌稷也者爾雅文云穀者稷為長是以名云者此釋經及爾雅特以稌為號知稷為五穀長者案月令中央土云食稷與牛五行土為尊故知稷為五穀長及爾雅以稷為稌通而言之六**祭祀共蕭**穀皆是稌故小宗伯云辨六稌之名物是也

茅注鄭大夫云蕭字或為蒿蒿讀為縮束茅立之祭前

沃酒其上酒滲下去若神飲之故謂之縮縮浚也故齊

桓公責楚不貢包茅王祭不共無以縮酒杜子春讀為

蕭蕭香蒿也玄謂詩所云取蕭祭脂郊特牲云蕭合黍

稷臭陽達於墻屋故既薦然後煇蕭合馨香合馨香者

是蕭之謂也茅以共祭之苴亦以縮酒苴以藉祭縮酒

泚酒也醴齊縮酌音義

昔所六反泚所煇反浚荀閏反劉思順反煇如悅反苴音租又

子餘反藉在夜反泚疏

釋曰此祭祀共蕭茅者蕭謂香蒿據祭祀宗廟時有之若共茅

外內之神俱用故云祭祀共蕭茅也注釋曰鄭大夫云蕭字或為蒿蒿讀為縮鄭大夫必讀為縮者欲以蕭茅共為一事解之云束茅立之祭前者此鄭大夫之意取士虞禮束茅立几束所以藉祭此義蕭茅共為一則不可若束茅立之祭前義得通又引齊桓公責楚謂左氏僖公四年傳辭彼齊桓使管仲責楚云爾貢包茅不入王祭不共無以縮酒寡人是徵楚伏其罪云敢不共給是也杜子春讀為蕭於義為是故後鄭從之云玄謂詩所云取蕭祭脂見用蕭之時有脂又引郊特牲者欲見非直有脂亦有黍稷云臭陽達於墻屋者謂饋獻之後陰厭之節取蕭與脂及黍稷煇燒之取香氣上聞故云既薦然後煇蕭合馨香云茅以共祭之苴者則士虞禮束茅長五寸立於几束謂之苴者是也云亦以縮酒者左氏管仲辭是也云苴以藉酒者亦指士虞禮也云縮酒沛酒也者鄭君解義語云醴齊縮酌者司尊彛職文此官共茅司巫云祭祀共藉館茅以為藉兩官共共者

謂此甸師共茅與司巫司巫為苴以共之此據祭宗廟也鄉師又云大祭祀共茅蕝者謂據祭天時亦謂甸師氏送茅與鄉師為苴以共之若然甸師氏直共茅而已不共苴耳

共野果蓏之薦注甸

在遠郊之外郊外曰野果桃李之屬蓏瓜瓠之屬音義

蓏力果反

疏

注釋曰鄭言甸在遠郊之外者案載師公

徒大結反

邑之田任甸地在二百里中司馬職百里

為遠郊今言甸在遠郊外則是二百里中云郊外曰野者釋經野野在郊外云果桃李之屬蓏瓜瓠之屬者案食貨志臣瓚以為在樹曰果在地曰蓏不辨有核無核張晏以有覈曰果無覈曰蓏今鄭云果桃李之屬即是

有核者也蓏瓜瓠之屬即是無核者也此從張晏之義

喪事代王受眚裁注案盛

者祭祀之主也今國遭大喪若云此黍稷不馨使鬼神

不逞于王既殯大祝作禱辭授甸人使以禱藉田之神

受眚哉弭後殃音義

眚生景反

疏

釋曰言喪事者謂王喪既殯後甸師氏於大祝取禱

辭禱藉田之神眚過也代王受過災云若云黍稷不香使鬼神不逞故令王死斂喪事代王受災此禱事於死王無益欲止後殃故為此禱也注釋曰言黍盛者祭祀之主也者以其遭王喪遣甸師氏禱意甸師種黍盛祭祀之具以黍稷為主故云今國遭大喪若云此黍稷不馨逞快也使鬼神不快於王今使王死云既殯大祝作禱辭授甸人者知大祝作禱辭在既殯後者見大祝職云授甸人禱辭在大斂後大斂則殯故知在既殯後

王之同姓有臯則死刑焉注鄭司農云王同姓有罪當

刑者斷其獄於甸師之官也文王世子曰公族有死罪

則磬於甸人又曰公族無宮刑獄成致刑於甸人又曰

公族無宮刑不踐其類也刑於隱者不與國人慮兄弟

音義

斷丁亂反
踐音翦

疏

釋曰周姓姬言同姓者絕服之外同
姓姬者有皐者謂凡五刑則刑殺不

於市朝於此死刑焉謂死及肉刑在甸師氏必在甸師
氏者甸師氏在疆場多有屋舍以為隱處故就而刑焉
案掌囚云凡有爵者與王同族奉而適甸師氏以待
刑殺此中不云其凡有爵者文不具注釋曰云王同姓
有罪當刑者斷其獄於甸師之官者此斷獄自是秋官
罪定斷訖始適甸師氏而刑殺之若然斷獄不在甸師
後鄭不破之者案掌囚云凡有爵者與王之同族奉而
適甸師氏以待刑殺此經亦云死刑焉甸師氏不斷獄
顯然不破之者見司農引文王世子為證於義是故不
復於中破之文王世子已下云公族有死罪則磬於甸

人者鄭彼注云懸縊殺之曰磬云又曰公族無宮刑獄成致刑於甸人又曰公族無宮刑不踐其類也者覆解上公族無宮刑之義云刑於隱者不與國人慮兄弟者若刑兄弟於市朝則是與國人慮兄弟今於隱處者則是使國人慮兄弟彼是諸侯法引之以證王之同姓刑於甸師亦是刑隱者也

帥其徒以薪

蒸役外內饗之事注役為給役也木大曰薪小曰蒸疏

釋曰其徒三百人耕藉藉田千畝其事至閒故兼為外內饗所役使共其薪蒸注釋曰此纂要文又左氏傳云其父析薪即大木可析曰薪自然小者曰蒸也

獸人掌罟田獸辨其名物注罟罔也以罔搏所當田之

獸音義

罟音古搏音博
劉音付後同

疏

釋曰云掌罟田獸者罟網也謂以罔搏取當田之獸云辨

其名物者野獸皆有名號物色案夏官四時田獵春用火夏用車秋用羅冬用徒四時各有其一以為主無妨四時兼有罔冬獻狼夏獻麋春秋獻獸物注狼膏聚麋取當田之獸

膏散聚則溫散則涼以救時之苦也獸物凡獸皆可獻

也及狐狸疏

釋曰云冬獻狼者狼山獸山是聚故狼膏聚聚則溫故冬獻之云夏獻麋者麋是澤

獸澤主銷散故麋膏散散則涼故夏獻之云春秋獻獸物者春秋寒溫適故獸物皆獻之注釋曰云以救時之苦者夏苦其大熱故獻麋冬苦其大寒故獻狼案內則取稻米為狼腦膏以為餼狼之所用惟據取膏為餼食若麋之所用則多矣云及狐狸者案內則狐去首時田狸去正脊二者並堪食之物故知獸物中兼獻

則守罟注備獸觸攫音義

攫俱縛反又作攫華霸反疏釋曰守

四時田獵獸人守畧備獸觸攫者防備獸時觸罔而攫者則取之

及弊田令禽注于虞

中注

弊仆也仆而田止鄭司農云弊田謂春火弊夏車

弊秋羅弊冬徒弊虞中謂虞人釐所田之野及弊田植虞旗於其中致禽而珥馬獸人主令田衆得禽者置虞人所立虞旗之中當以給四時社廟之祭故曰春獻禽以祭社夏獻禽以享禴秋獻禽以祀祊冬獻禽以享烝又曰大獸公之小禽私之公之謂輸之於虞中珥馬者取左耳以致功若斬首折馘故春秋傳曰以數軍實音

義

弊如字徐蒲計反注之樹反仆普卜反一音芳豆反又音赴釐音來本亦作萊植直吏反又時力反徐音

裁珥徐如志反享許丈反劉音向後皆放此禴由若反祊音方折之設反誠古獲反數色圭反一音所疏

釋曰及弊田者弊补也謂田止令禽注於虞中者田止虞人致旌旗於田處之中央注猶聚也獸人則令所田

之衆大獸公之小禽私之公者輸之聚於旌旗之所故言注於虞中注釋曰鄭司農云弊田謂春火弊夏車弊

秋羅弊冬徒弊並大司馬職文引之者證弊田為田止之事云虞中謂虞人釐所田之野已下地官山虞職文

言虞人萊所田之野者謂於教戰之所芟治草萊云及弊田植虞旗於其中者熊虎為旗山多虎故用熊虎及

弊田田止虞人植虞旗於中引之者證經虞中之事云致禽而珥馬者謂田衆大獸公之者各割取左耳以擬

效功云春獻禽以祭社至小禽私之亦司馬職文言春獻禽以祭社者鄭彼注春土方施生云夏獻禽以享禴

者夏陰氣始起鄭云衆神之在內云秋獻禽以祀祊者鄭注祊當為方謂祭四方之神云冬獻禽以享烝者冬陽氣始起亦衆神之在內此祭並非四時常祭以田獵得禽牲因享祭之耳云大獸公之者謂已孕曰獸輸之於公小禽私之者謂未孕曰禽田衆得之以自入云若斬首折馘者田獵象戰伐田獵之時取禽左耳以効功若征伐之時於陳斬首折取左耳謂之馘亦以擬効功故云若斬首折馘又引春秋傳曰者案襄二十四年楚遂啟疆如齊聘齊侯祭社蒐軍實使客觀之注云蒐數軍實兵甲器械與隱公傳三年而治兵數軍實一也引之者證斬首折馘為軍實若然注傳兵甲器械與斬首折馘不同者兵甲器械自為軍實至於斬首折馘亦是軍實例於生執囚俘亦為軍實是以僖公**凡祭祀喪紀**三十三年晉捨秦囚先軫曰墮軍實是也

賓客共其死獸生獸注共其完者疏

釋曰凡此所共皆與庖人其職云凡

其死生蠹薨之物以共王之膳注釋曰知其完全者凡下經云凡獸入於腊人是其不完者故知此是完者

獸入于腊人注當乾之皮毛筋角入于王府注給作器

物音義

筋音斤

疏

釋曰獸人所得禽獸其中皮毛筋角擇取堪作器物者送入於王府擬給百工

飾作器物

凡田獸者掌其政令疏

釋曰謂田獵取獸禽者所有政令獸人掌之以其知

田獵之法故也

獻人掌以時獻為梁注月令季冬命漁師為梁鄭司農

云梁水偃也偃水為關空以笥承其空詩曰敝笥在梁

音義

偃於建反徐本在偃一返反空減音孔下同

疏

釋曰言以時獻為梁者謂一歲三時取魚皆為

梁以時取之故云以時魚為梁注釋曰案月令季冬云命漁師始魚天子親往此注云季冬命漁師為梁文句不同者鄭以此經有梁字故於月令以義取之非是月令正文鄭司農梁水偃也偃水為闕空以笥承其空者謂偃水兩畔中央通水為闕孔笥者葦薄以薄承其闕孔魚過者以薄承取之故詩云敝笥在梁彼齊詩云敝敗之笥在於魚梁其魚唯唯過者無制彼喻文姜與襄公淫通來往不制又魚麗詩云魚麗于罟鱉鮒注云罟曲梁寡婦之笥笥即曲薄也引之者證梁以笥為之

春獻王鮪注王鮪鮪之大者

月令季春薦鮪于寢廟音義

鮪位軌反

疏

釋曰春謂季春三月鮪新來言王鮪

鮪之大者云獻者獻於廟之寢故鄭注引月令云薦鮪於寢廟取魚之法歲有五案月令孟春云獺祭魚此時得取矣一也季春云薦鮪於寢廟即此所引者二也又案鼈人云秋獻鼈魚三也王制云獺祭魚然後虞人入

澤梁與孝經緯援神契云陰用事木葉落獺祭魚同時是十月取魚四也獺則春冬二時祭魚也案潛詩云季冬薦魚與月令季冬漁人始魚同五也是一歲三時五取魚唯夏不取案魯語云宣公夏濫於泗淵以其非時里革諫之乃止

辨魚物為鱣鼈以共王膳羞注鮮生也鼈乾也

音義

鼈本又作稿苦老反

疏

釋曰此所共者共於膳夫以共王

凡祭祀賓客喪紀

共其魚之鱣鼈凡獻者掌其政令凡獻征入于王府注

鄭司農云獻征漁者之租稅獻人主收之入于王府疏

釋曰云凡祭祀賓客喪紀共其魚之鱣鼈者此所共者共內外饗以其膳夫即不掌祭祀之事云凡獻者掌其政令者凡取魚者所有政令皆獻人掌之以其知取之時節及處所云凡獻征入于王府者言獻征者謂近川

澤之民於十月獮祭魚之時其民亦得取魚水族之類
其中鬚骨之事堪飾器物者所有征稅獻人主收之送
入于王府以當邦賦也

鼈人掌取互物注鄭司農云互物謂有甲齒胡龜鼈之

屬音義

互戶故反干云對也蒲莫干反

疏

注釋曰此文與下為目所取之物者即下經所云是也

以時簞魚鼈龜蜃凡狸物注蜃大蛤鄭司農云簞謂以

杓刺泥中搏取之狸物龜鼈之屬自狸藏伏於泥中者

玄謂狸物亦謂鱣刀含漿之屬音義

簞戚勅角反劉倉伯反徐倉格反沈

槍昔反案莊子云冬則擣鼈於江擣音義角反義與此
同今從彼讀蜃市軫反干云鱣類狸莫皆反杓音義

疏

釋曰言以時者即下經春獻鼈蜃蜃若然籍魚鼈據所取下經據所獻其時一也注釋曰蜃大蛤者即月令

云雉入大水化為蜃者是也對雀入大水化為蛤為小蛤鄭司農云籍謂以叔刺泥中搏取之者司農意以籍為刺此經魚鼈蜃蜃皆在泥水中故須以叔刺取之狸物鼈鼈之屬者案經鼈鼈自顯別言狸物司農狸物中更言鼈鼈者但經意所言狸物者總鼈鼈之等故司農重以鼈鼈為狸物玄謂狸物亦謂鱣刀含漿之屬者案爾雅刀魚鱣刀也蚌含漿觀此鄭意鱣刀為一物蚌為含漿亦一物孫氏注爾雅刀魚與鱣別非鄭意

春

獻鼈蜃秋獻龜魚注此其出在淺處可得之時魚亦謂

自狸藏疏

注釋曰鄭云魚亦謂自狸藏者若不自狸藏則在上漁人取之矣故知此魚與鼈鼈是自

狸藏者也祭祀共廬羸蜚以授醢人注羸蜚蜃鄭司農云廬

蛤也杜子春云麤蟀也蚘蚘子國語曰蟲舍蚘蚘音義

麤薄佳反徐又父幸反羸郎戈反蚘直其反徐長黎反

蚘蚘子蚘音夷又音移蚘音由又音榆蟀字又作蚌蒲

項反又蒲杏反蚘宜綺反舍疏釋曰案醢人有麤醢羸

音捨蛭悅全反字林允絹反蚘醢故以此三者授醢

人注釋曰羸蛭蚘蚘者一物兩名司農云麤蛤也者杜子

春云麤蟀也者蟀即蛤亦一物云蚘蚘子者謂蟻之子

取白者以為醢國語曰蟲舍蚘蚘者此亦是里革諫宣

公之言謂夏蟲內捨去蚘蛭蚘此經蚘也蛭謂蝗也與

蚘別連掌凡邦之籍事

引之也

腊人掌乾肉凡田獸之脯腊臠胖之事注大物解肆乾

之謂之乾肉若今涼州烏翅矣薄析曰脯捶之而施薑

桂曰鍛脩腊小物全乾音義

肆勅厯反
捶之藥反

疏

釋曰云掌乾肉已下文者

並是獸人所共獸人云凡獸入於腊人注釋曰云若今涼州烏翅者解肉乾之狀也云小物全乾者案特牲云陳鼎於門外於在其南南順實獸于上又云宗人舉獸尾告備是其全者士用免是其小物全乾少牢用麋不云舉獸尾則未全若然則天子諸侯之所用雖無文其獸必大亦不必全今云全者據有全者耳趙商問腊人掌凡乾肉而有膾胖何鄭答雖鮮亦屬腊人

凡祭祀共豆脯薦脯膾胖凡腊

物注脯非豆實豆當為羞聲之誤也鄭司農云膾膾肉

鄭大夫云胖讀為判杜子春讀胖為版又云膾胖皆謂夾脊肉又云禮家以胖為半體玄謂公食大夫禮曰庶

羞皆有大者此據肉之所擬祭者也又引有司曰主人亦一魚加膾祭于其上此據主人擬祭者膾與大亦一也內則曰麋鹿田豕麇皆有胖足相參正也大者戴之大臠膾者魚之反覆膾又詁曰大二者同矣則是膾亦腍肉大臠胖宜為脯而腥胖之言片也析肉意也禮固有腥膾爛雖其有為孰之皆先制乃亨音義疏注釋曰音版夾戚古洽反劉古協反食音嗣膾京倫反覆芳服反膾而甚反爛徐廉反亨普庚反知脯非豆實者案籩人職有栗脯則脯是籩實故云脯非豆實也知豆當為羞者案籩人職云凡祭祀共其籩薦羞之

實鄭云未飲未食曰薦已飲已食曰羞羞薦相對下既言薦脯明上當言羞脯也鄭司農云膾膾肉鄭大夫胖讀為判杜子春讀胖為版又云膾胖皆謂夾脊肉又云禮家以胖為半體者文無所出皆非也玄謂公食大夫禮曰庶羞皆有大者此據肉之所擬祭者也又引有司曰主人亦一魚加膾祭於其上此據主人擬祭者膾與大亦一也內則曰麋鹿田豕膾皆有胖足相參正也者引有司并公食大夫二處證膾是大饗引內則明胖與膾不同故云足相參正云大者戴之大饗者玄解公食大夫云膾者魚之反覆者反覆謂魚生時在腹下今加之於上云膾又詁曰大者據爾雅釋詁文云二者同矣者大共膾同是一則膾是腍肉大饗同將祭先也云胖宜為脯而腥謂肉薄不煮者云胖之言片析肉意者此解胖是薄義云禮固有腥膾膾雖其有為孰之者祭祀之禮豚解而腥之又有體解而燭之又有薦孰之禮禮經固有此三者皆當先制為胖言此者證胖與膾不同

破諸家之意

賓客喪紀共其脯腊凡乾肉之事疏

釋曰此所共者共內

也外饗

周禮注疏卷四

周禮注疏卷四考證

膳夫凡王之饋注醯人共齎苴醯物六十甕○醯人監

本訛作醢今改正

又六清水漿醴醑醫醢○醫應作醫

王齊日三舉疏齊時不樂故不言以樂侑食也○侑監
本訛作脩今改正

凡王祭祀賓客食則徹王之胾俎疏此二者皆各胾俎
○各應作名

庖人掌共六畜六獸六禽疏六禽之內有鶉鷄鳩鵒四者○禽監本訛畜今改正

內饗選百羞醬物珍物以俟饋疏以待饋王○待監本訛作得今改正

外饗邦饗耆老孤子疏繫五邑焉○邑監本訛色今依左傳改正

甸師祭祀共蕭茅注然後焯蕭合馨香○焯各本多訛焯今改正

獸人凡祭祀喪紀賓客共其死獸生獸○此節疏監本
錯簡在下節今訂正

鼈人掌取互物注菑胡龜鼈之屬○菑當作菑

以時簪魚鼈龜蜃○此節疏監本錯簡在下節今改正
祭祀共麋羴蜺以授醢人疏國語曰蟲舍蜺蜚者此亦
是里革諫宣公之言○監本脫里革二字今据國語
補正

周禮注疏卷四考證